

АСИЛОВА А.С.

САУДА-САТТЫҚ ЖӘНЕ ИНВЕСТИЦИЯЛЫҚ САЯСАТ

Оқулық

Алматы, 2019

ӘОЖ: 336.71 (075.8)

КБЖ 65.262.1я73

А 88

Әл Фараби атындағы Қазақ Ұлттық университетінің Ғылыми кеңесімен бекітілген (хаттама № 10, 24.05.2018 ж.)

«Нархоз» университетті жаңындағы Қазақстан Республикасы Ғылым және Білім министрлігінің «Әлеуметтік ғылымдар, экономика және бизнес» мамандығы бойынша Жоғары және жоғары оку орнынан кейінгі республикалық оқу-әдістемелік кеңесі оқу-әдістемелік бірлестігінің грифі берілген (хаттама № 1, 12.11.2018 ж.)

Рецензенттер: Адамбекова А.А. – «Нархоз» университеті АҚ, Қаржы және технологиялар мектебінің деканы, экономика ғылымдарының докторы, профессор

Дауылбаев К.Б. – Қонаев атындағы Евразиялық заң ақадемиясы, «Экономикалық және жалпы білім беру» кафедрасының меншерушісі, экономика ғылымдарының докторы, профессор

Жоламанова М.Т. – әл Фараби атындағы Қазақ Ұлттық университеті, «Қаржы» кафедрасының экономика ғылымдарының кандидаты, доцент

А 88 Асишова А.С.

Сауда-саттық және инвестициялық саясат: Оқулық / А.С. Асишова. – Алматы: «Master Print» баспасы, 2019..
ISBN 978-601-225-284-2

Оқулықта инвестиация түсінігі, инвестициялық қызмет, еліміздің инвестициялық саясаты мен климаты, оны заңнамалық қамтамасыз ету, қаржыландыру көздері, инвестициялық жоба және оны талдау мен бақылау, нақты және қаржылық портфелдерді инвестициялау қарастырылады.

Тәнімдүк мазмұны бар бұл оқулық экономикалық жоғары оку орындарының студенттері мен оқытушыларына арналған.

ӘОЖ: 336.71 (075.8)

КБЖ 65.262.1я73

ISBN 978-601-225-284-2

ИНВЕСТИЦИЯ ЖӘНЕ ИНВЕСТИЦИЯЛЫҚ ҚЫЗМЕТ

1. НАРЫҚТЫҚ ҚАТЫНАСТАР ЖҮЙЕСІНДЕГІ ИНВЕСТИЦИЯ

1.1 || Инвестицияның экономикалық мазмұны мен рөлі

Инвестиция термині латынның «*invest*» сөзінен аударғанда «*салым салу*» мағынасын білдіреді. Қазақстанда нарықтық қатынастарға өтумен байланысты және экономикадағы реформаларды жүргізу нәтижесінде инвестиция ұғымы пайда болды. Жоспарлы экономика кезінде негізгі қорлардың ұдайы өндірісіне және оның жөнделуіне кеткен шығындар деген термин бойынша «*капитал салымы*» немесе «*капитал жұмсалымы*», яғни ұзақ мерзімде негізгі капиталға салым салу термині қолданылған. Қазіргі уақытта «*инвестиция*» термині әртүрлі мағынада қолданылады, солардың бірнешеуіне токталайық.

Инвестиция – пайда табу мақсатында кәсіпкерлік обьектерге салынатын заңды және жеке тұлғалардың ақша қаражаттарын, жылжитын және жылжымайтын мүліктерді, интеллектуалдық құндылықтарды, ақшалай салымдарды, бағалы қағаздарды білдіреді.

Инвестиция – табыс немесе пайда табу үшін ақша қаражаттарын салу, табыс немесе пайда табу үшін сатып алынған мүлік.

Инвестиция – экономикалық жүйеде қызмет ететін капитал көлемінің, яғни адамдармен құрастырылған өндіріс құралдарының ұсынылған мөлшерінің ұлғаюы.

Инвестиция – ол өнеркәсіптің, құрылыштың, ауылшаруашылықтың және экономиканың басқа да салаларының кәсіпорындарына капитал түрінде салынып жұмсалатын шығындар жиынтығы. Сонымен қатар, инвестиция – капитал салу және күрделі қаржы.

Инвестиция – бұл жаңа технологияларды, материалдарды және басқа да еңбек құралдарын енгізумен байланысты өндірістің ұлғаюына және жаңаруына жұмсалатын шығындар.

Инвестиция – бұл шаруашылық өмірге бағытталған салымдар және капитал құнын сақтайтын немесе өсіретін, сондай-ақ табыстың өсуіне әкелетін капитал жұмсау әдісі.

Қазақстан Республикасының «Инвестициялар туралы» заңына сәйкес *инвестиция* – лизинг шартын жасаған кезден бастап қаржы лизингі заттарын, сондай-ақ оларға құқықтарды қоса алғанда, заңды тұлғаның жарғылық капиталына инвестор салытын мүліктің барлық түрлері (жеке тұтынуға арналған тауарлардан басқа) немесе кәсіпкерлік қызмет үшін пайдаланылатын тіркелген активтерді ұлғайту, сондай-ақ концессионердің (құқық мирасқорының) концессия шарты шенберінде жасаған және алған тіркелген активтері деп анықтама берілген.

Қазіргі ғылыми әдебиеттерде «инвестиция» түсінігі әртүрлі мағынада колданылады. Кең мағынасындағы инвестиция пайда табу кезінде активтердің қолданылуын түсіндіреді.

Халықаралық заңдарда инвестицияны саяси және әлем шаруашылығы аспектілері шенберінде сипаттайты. Жалпы инвестицияны қарастырганда, оның мазмұндық сипаттамасынан бұрын инвестицияның мақсатты бағыттарын білу керек. Осы түрғыдан алғанда *инвестиция* – табыстың ең маңызды болігін құрайты. Себебі, ол жалпы ұлттық табысты өндіруге жұмсалады және капитал құру мен ақша капиталына қараганда нақты капиталды ұлғайтумен байланысты өндірісті ұлғайтуға, оны кеңейтуге кеткен шығындарды көрсетеді.

Инвестицияларға ғимараттар, құрал-жабдықтар, материалдар, өндірістік қорлар және тағы басқалар жатады.

Экономикалық қызметтің байланысты инвестицияның жалпы капиталы келесідей бөліктеге бөлінеді: ауыл шаруашылығы, орман және аң аулау шаруашылықтары, балық аулау шаруашылығы, өндіріс, сауда, автокөлік жөндеу, қонақ үй мен мейрамхана, көлік пен байланыс, қаржылық қызмет, жалға беру қызметтері, мемлекеттік басқару, білім және әлеуметтік қызметтердің көрсетілуі, коммуналдық қызметтердің көрсетілуі.

Қазақстанның ресми статистикасына қарағанда инвестиция түсініктеріне қаржылық емес активтердің инвестиациялық көрсеткіштері себеп бола алады. Сонымен қатар, ол өзінің құрамына ғылыми және конструкторлық зерттеуге, курделі жөндеуге, табиғи ресурстарды қолдануға, негізгі капиталдың элементтеріне кеткен шығындарды жатқызуға болады. Инвестицияның басты элементі негізгі капитал болып саналады, сонымен қатар оларға жаңа құрылым, техникалық және реконструкторлық жабдықтау, автокөліктер және оларды жабдықтауды қамтамасыз ету жатады. Сондай-ақ, инвестицияның жалпы капитал көздеріне республикалық бюджетті қаржыландыру, жергілікті бюджеттердің қаражаттары, ұйымдар мен кәсіпорындардың өзіндік қаражаты, сонымен қатар шетелдік инвестициялар жатады.

Инвестицияның жалпы капиталының басым бөлігі жалпы ішкі өнімнің динамикасының деңгейіне әсер етеді және макроэкономикалық талдаудың объектісі ретінде қолданылады. Макроэкономикада инвестиция түсінігі ЖІӨ-нің динамикасына әсер етуші шығындардың қолданылуын сипаттайды. Кейбір жағдайларда мұндай инвестициялар экономиканың *нақты секторы* немесе *нақты инвестициялар* деп аталады.

Нақты инвестициялар үш негізгі бағытқа бөлінеді. Жалпы капиталдың кәсіпкерлік инвестициялары, тұргын үй құрылымының инвестициялары және қорлардың өзгеруі (тауарлы-материалды қорлардың инвестициялары).

Сондай-ақ, инвестициялар *таза* және *жалпы инвестициялар* болып бөлінеді. Бұл бөліну функционалдық капиталдың айналмалылығы инвестициямен байланысты екендігін көрсетеді.

Мұндай үдерісте функционалдық капиталдың физикалық жағдайы нашарлайды. Өнімге деген бағасы бөліктеге ауыстырылып, амортизациялық қорды құрайды.

Инвестицияны жүзеге асыру үшін оның белгілі формалары болады. Олар *ақшалай* және *тауарлы*, *қысқа* және *ұзақ мерзімді*, *несиелік* және *кәсіпкерлік* болып бөлінеді.

Қазіргі кезде кәсіпкерлік форма Қазақстан экономикасы үшін өте қолайлы. Кәсіпкерлік капитал жеткізілімі өз кезегінде шекарадан тыс жерлерде филиалдар, еншілес компаниялар және бірлескен кәсіпорын құруға бағытталған ұзақ мерзімді шетелдік инвестициялар болып табылады.


Жалпыға бірдей деңгейде инвестиция жер участесіне, жылжымайтын мұлікке, бағалы қағаздарға, қурылышқа, техникалық құрал-жабдықтарға, қазба-байлықтары мен кен өндіруге жұмсатын күрделі қаржы. Сонымен қатар, инвестиция ел ішіндегі және шетелдегі экономикага ұзақ мерзімді капитал жұмсалмы.

Инвестициялар экономикалық категория ретінде келесі негізгі функцияларды атқарады:

- өндірістік және өндірістік емес аймақтағы негізгі қорлардың жай және кеңейтілген ұдайы өндіріс үдерісі;
- айналым капиталын қамтамасыз ету және толтыру үдерісі;
- капиталды бір саладан басқасына, аса тартымды, нақты және портфельдік инвестициялардың негізінде қайта құру үдерісі;
- басқа кәсіпорындардың акцияларын сатып алу және активтеріне қаржаттарды салу жолымен меншік иелері арасында капиталды қайта бөлу үдерісі.

Қорыта айтқанда, *инвестиция* – бұл пайда табу мақсатында тауарларды өндіруге және қызметтерді көрсетуге бағытталатын барлық мүліктік және интеллектуалдық құндылықтардың түрлерін сипаттайды.

Жалпы экономикалық әдебиеттерде инвестициялардың жіктелуіне бірнеше көзқарастар бар. Бөліну белгілерінің жиынтығына сәйкес инвестициялардың келесідей жіктелуін қарастырайық:



1-сурет. Инвестицияның жіктелінуі

Нақты инвестициялар – негізгі капиталға, жөндеу жұмыстарына, айналым қаражаттары қорларына, құрал-жабдықтарды сатып алуға, жер участкеріне және кен орындарының қорларына салынатын салымдар.

Материалдық емес активтерге салынатын инвестициялар – жер участкесін пайдалану құқықтарын сатып алу, лицензияны, тауар белгісін, патенттерді, ноу-хау және тағы басқаларды алуға кететін салымдар.

Интеллектуалдық инвестициялар – жұмысшылардың кәсіби біліктілігін көтеруге және ғылыми-зерттеулер мен ғылыми-техникалық жұмыстарды жүргізуге жұмсалынатын салымдар.

Қаржылық инвестициялар – бағалы қағаздарды сату мен сатып алуға жұмсалатын салымдар.

Тікелей инвестициялар – нақты ұзак мерзімді жобага қаражат салу және нақты активтерді сатып алумен байланысты салымдар.

Портфельдік инвестициялар – капиталды жобалар тобына салу, мысалы әртүрлі кәсіпорындардың бағалы қағаздарын сатып алуга кететін салымдар.

Басқа да инвестициялар – басқа да әр түрлі ұйымдармен берілетін зайдар.

Инвестицияның типтері:

1. Салым салу саласына және ақша-қаражаттарды жұмсау бағытына қарай инвестиция үш түрге бөлінеді:

- қаржылық инвестициялар;
- материалдық емес активтерге жұмсалынатын инвестициялар;
- материалдық активтерге жұмсалынатын инвестициялар.

Қаржылық инвестицияларға бағалы қағаздарды сатып алу шығындары, басқа да заңды тұлғаларға берілетін несиeler, кепілдіктер, сонымен қатар несиелік және банктік мекемелермен берілетін несиені ұсыну жатады.

Материалдық емес активтерге жұмсалынатын инвестиацияларға лицензиялар, зерттеу, барлау жұмыстары, ноу-хау, кадрларды оқытуға, даярлауға кеткен шығындар, жарнама, фирма имиджі, әлеуметтік салаға жұмсалынған шығындар, тауар белгілері, авторлық құқықтар жатады.

Материалдық активтерге жұмсалынатын инвестиацияларға негізгі капиталға жұмсалынған салымдар, негізгі кордың жөндеу шығындары, жер участкелері, табигатты пайдалану объектілері жатады.

Материалдық активтерге жұмсалынатын инвестиацияларды нақты инвестициялар, ал бағалы қағаздарға жұмсалынатын инвестиацияларды *портфельдік инвестициялар* деп атайды.

2. Жүзеге асырылу мерзіміне байланысты:

- қысқа мерзімді инвестициялар (1 жылдан 5 жылға дейін);

- орта мерзімді инвестициялар (5 жылдан 20 жылға дейін);
- ұзак мерзімді инвестициялар (20 жылдан жоғары).

3. Қайта өндіру үдерісіне қатысу деңгейіне байланысты:

- қайта инвестициялау – реинвестициялар, негізгі өндірістік қорларды жаңартуға, жөндеуге, қайта қалпына келтіруге бағытталған инвестиациялар;

- нетто инвестициялар – өндірісті кеңейтуге арналған инвестиациялар;

- брутто инвестициялар – қайта инвестициялау және нетто инвестиациялардың жиынтығы.

4. Тәуекелдік деңгейіне байланысты:

- тәуекелділігі төмен инвестициялар – бағалы қағаздарға салынатын салымдарға қатысты инвестиациялар;
- тәуекелділігі орта инвестициялар – нетто инвестиациялар;
- тәуекелділігі жоғары – компанияның акцияларына салынатын салымдар, венчурлық инвестиациялар.

5. Аймақтық сипатына байланысты:

- шетелдегі инвестициялау – берілген елдің мемлекеттік шекарасынан тыс орналасқан инвестициялау объектілеріне қаражаттарды салу;
- ішкі инвестициялау – берілген елдің аумағында орналасқан объектілерге қаражаттарды салу;
- аймақтық инвестициялау – мемлекеттің нақты аймағының шегінде қаражаттарды салу.

Инвестицияларды жіктеу үшін тағы қосымша белгілерді пайдалануға болады:

- жер, капиталды ресурстар және персоналды қолдану бойынша инвестиациялық үдерісте шектелген ресурстарға инвестиациялар;
- инвестициялау масштабы бойынша – шағын, орта және ірі жобаларға инвестиациялар;

- басқа инвестициялардың әсерінен қауіп төну дәрежесі бойынша – тәуелсіз инвестициялар;
- бәсекелестік инвестиациялық шешімдерді қабылдауға сезімтал инвестиациялар;
- инвестициялаудың максаттарына тәуелді тиімділік формасы бойынша инвестиациялар;
- инвестициялармен тығыз байланысты функционалдық қызметі бойынша инвестиациялар;
- салалық жіктелінуі бойынша инвестиациялар;
- инвестициялау тәуекелі бойынша инвестиациялар;
- жүзеге асыру міндettілік дәрежесі бойынша – тиісті міндетті, абсолютті міндетті емес, міндетті емес инвестиациялар.

Қазақстан экономикасында инвестициялардың *тікелей* және *портфельдік* жіктелінуі кең тараған.

Портфельдік инвестиациялар – занды және жеке тұлғалардың қаражаттарын қаржы делдалдары шығарған бағалы қағаздарға салу арқылы жүзеге асырылады. Бағалы қағаздарға салынатын салым есебінен инвестор өзінің қаржылық капиталын арттырады және дивиденд алады.

Портфельдік инвестиацияларда инвестордың басты негізгі міндетті қор нарығында бағалы қағаздарды сату және сатып алу операцияларымен жүзеге асырылатын оңтайлы инвестиациялық портфельді құру және басқару болып табылады. Сондай-ақ, портфельдік инвестиациялар көбінесе қысқа мерзімді қаржылық операцияларды жүзеге асырады.

Тікелей инвестиациялар – инвесторға обьектіні басқаруға немесе оның қызметін қадағалауға құқық береді, занды және жеке тұлғалармен жүзеге асырылады. Инвестор тікелей инвестиацияға қаражат салу нәтижесінде өзінің өндірістік капиталын арттырады, яғни тікелей инвестиацияның капитал құру негізіне ие салымдар болып табылады.

Экономикалық денгейде инвестицияларды *макро* және *микро* деп екіге бөлуге болады.

Макроденгейдегі инвестиациялар:

- өндірісті дамытуға үлес қосуға;

- елдің төлем қабілеттілігі сұранысын қанағаттандыруға;
 - тозығы жеткен өндірістік қорларды жаңартуға;
 - ірі өнеркәсіптердің мәселелерін шешуге;
 - әлеуметтік және экономикалық мәселелерді шешуге;
 - экономиканың болашақтағы өсіміне негіздер қалауға;
 - тауардың қажетті мөлшерде, сәйкес сапада, ішкі сұранысын қалыптастыруға бағытталады.

Микроденгейдегі инвестициялар:

- негізгі өндіріс қорларын кеңейтуге, жаңасын салуға, жөндеуге, қайтадан жаңғыртуға;
 - негізгі қорлардың моралдық, физикалық тозуын болдыр-мауға және өндірістің техникалық денгейін көтеруге;
 - жаңа техника мен технологияларды енгізуге;
 - жоғары білікті мамандарды дайындауға және кәсіпорын-ның басқа да мақсаттарына жетуге;
 - коршаған органы қорғау бойынша шараларды жүргізуғе;
 - енбекті ұйымдастырудың жаңа формалары мен әдістерін енгізуге бағытталады.

Инвестициялар макро және микроденгейде маңызды рөл атқарады. Сонымен қатар, жай және кеңейтілген ұдайы өндіріс күрылымдық қайта құрудан максималды пайда алу мен осының негізінде көптеген әлеуметтік мәселелерді шешу үшін маңызды экономикалық категория болып табылады.

1.3 Инвестицияның субъектілері мен объектілері

Инвестиция түсінігі инвестициялық қызмет, инвестициялық қызметтің субъектісі және инвестициялау объектісі түсініктерімен тығыз байланысты.

Инвестициялық қызметтің алғашқы кезеңі – инвестициялау объектісін таңдау болып табылады.

Инвестициялау обьектісі дегеніміз – инвестицияға бағытталған кәсіпкерлік қызметтің кез келген түрі.

Инвестициялау обьектісіне:

- ақша-қаражаттар, мақсатты банктік салымдар, пайлар, акциялар және басқа да бағалы қағаздар;
- жылжитын және жылжымайтын мұліктер;
- авторлық құқық, ноу-хау және тағы басқа да интеллектуалдық құндылықтар;
- жер участкелері және тағы басқа да ресурстарды пайдалану құқықтары, сонымен қатар, басқа да мұліктік құқықтар мен құндылықтар жатады.

Объектілердің жіктеленуі келесідей болінеді:

1. Масштабы бойынша:

- кіші жобалар (15 млн долларға дейін);
- мега жобалар – бұл ұзақ мерзімді жобалар (50 жылға дейін, 5 млрд доллардан жоғары), олар көптеген кіші жобалардан тұруы мүмкін.

2. Инвестициялау сипатына байланысты:

- мемлекеттік маңызды және масштабты обьектілер (салалық, аймақтық, жергілікті).

3. Сатып салу деңгейі бойынша:

- тез сатып алынатын немесе белгілі бір уақыт аралығында сатып алынатын болып болінеді.

Инвестициялық қызметтің субъектілеріне:

- жеке және занды тұлғалар;
- мемлекет;
- шетелдік мемлекеттер;
- басқа да халықаралық ұйымдар жатады.

Инвестициялық қызметтің субъектілері ретінде, *бір жағынан*, бос инвестициялық ресурстарға ие қатысушыларды (инвесторларды), *екінші жағынан*, инвестициялық ресурстарға қажеттілігі бар кәсіпорындарды, ұйымдарды және тағы басқаларды қарастыруға болады. Инвестициялық қызметтің *үшінші жағынан* инвестициялық институттар мен инвестициялық ресурстардың

тұтынушылары арасындағы өзара қарым-қатынасты қамтамасыз ететін делдалдар болып табылады.

Инвестициялық қызметте инвесторлар маңызды орын алады. *Инвесторлар* салымшылар, тапсырыс берушілер, несие берушілер, сатып алушылар ретінде инвестициялық қызметтің кез келген қатысушының функцияларын атқара алады. Инвесторлардың кәсіпкерлік қызметтің кез келген объектілері мен түрлеріне инвестициялар салуды жүзеге асыруға құқығы бар.

Отандық заңнамага сәйкес *инвестор* – бұл инвестициялық жобаға өзіндік және басқа да тартылған меншікті қаражаттар мен интеллектуалдық қаражаттарды салуды жүзеге асыратын және шешім қабылдайтын, сондай-ақ олардың мақсатты пайдалануын қамтамасыз ететін заңды немесе жеке тұлға деп көрсетілген. Сонымен қатар, инвесторлар:

- мемлекеттік және жергілікті мүліктік құқықтарды, мүлікті басқаратын органдар;
- жеке тұлғалар, соның ішінде шетелдік жеке тұлғалар;
- кәсіпорындар, кәсіпорын одактары және басқа заңды тұлғалар, сонымен қатар шетелдік заңды тұлғалар, мемлекеттер және халықаралық ұйымдар болуы мүмкін.

Инвесторлардың кәсіпкерлік қызметтің инвестицияларды жүзеге асыратын объектілері мен түрлеріне қатысты құқықтары мен міндеттері «Инвестициялар туралы» (куші жойылған) заңында, ҚР-ның өзге де заңнамалық актілерінде және тиісті шарттарда белгіленген. Сонымен қатар, инвестордың құқықтары мен мүddeлери толық және сөзсіз қорғалады, ол ҚР-ның Конституциясымен, ҚР-ның инвестициялар туралы заңдарымен және басқа да нормативтік-құқықтық актілерімен, сондай-ақ ҚР-сы бекіткен халықаралық шарттармен қамтамасыз етіледі.

Инвестор мемлекеттік органдардың ҚР-ның заң актілеріне сәйкес келмейтін актілер шығаруы салдарынан, сондай-ақ осы органдардың лауазымды адамдарының заңсыз әрекеттерінің салдарынан өзіне келтірілген зиянды ҚР-ның азаматтық заңдарына сәйкес өткізуге құқығы бар.

Қазақстан Республикасының Үкіметі инвесторлар мен ҚР-ның мемлекеттік органдары арасында жасалынған шарт-талаптарының тұрақтылығына кепілдік береді.

Бұл кепілдіктер импорттың, өндірістің, акцизделетін тауарларды өткізуіндегі тәртібі мен талаптарын өзгертертін ҚР-ның заңдарындағы өзгерістерге және ҚР-ның халықаралық шарттарын күшіне енгізу мен олардың өзгерістеріне, сондай-ақ, ұлттық және экологиялық қауіпсіздікті, денсаулық сақтау мен имандылықты камтамасыз ету мақсатында ҚР-ның заң актілеріне енгізілетін өзгерістер мен толықтыруларға қолданылмайды.

Сонымен қатар, инвесторлар:

- ҚР-ның заңдарына сәйкес салықтарды және бюджетке төленетін басқа да міндетті төлемдерді төлегеннен кейін өзінің қызметінен алынған кірістерді өз қалауы бойынша пайдалануға құқылы;
- ҚР-ның аумағындағы банктерде ҚР-ның банктік және валюталық заңдарына сәйкес ұлттық валютамен және шетелдік валютамен банктік шоттар ашуға құқылы.

Инвесторлардың заңды тұлғаларды тіркеуі, олардың жарғылары, жылжымайтын мүлікпен мәмілелерді тіркеуі, берілген лицензиялар туралы ақпаратқа, сондай-ақ олардың инвестициялық қызметті жүзеге асырумен байланысты коммерциялық және заңмен қорғалатын өзге де құпияны қамтымайтын ҚР-ның заңнамалық актілерімен көзделген өзге де ақпаратқа еркін кол жеткізуі қамтамасыз етіледі.

Индустрія және инфрақұрылымдық даму министрлігі индустрія және елді индустримальық-инновациялық дамыту, ғылыми-техникалық дамыту, мемлекеттік инвестициялық саясат және инвестицияларды қолдау саясаты, колайлы инвестициялық жағдай жасау, арнағы экономикалық аймақтардың жұмыс істеуі және оларды тарату, экспорттық бақылау, инвестицияларды мемлекеттік қолдау саясатын іске асыру салаларындағы басшылықты жүзеге асыратын Қазақстан Республикасының орталық атқарушы органы болып табылады.

1.4

Капитал жұмсалымы және оның инвестиция жүйесіндегі орны

Әрбір кәсіпорын өзінің өндірістік қызметін атқару үшін өз иелігінде негізгі қорлары болуы тиіс. Ал мұндай қорларды құру үшін, сонымен қатар жұмыс істеп тұрган негізгі қорларды ұстап тұру үшін капитал жұмсалымы қажет. Капитал жұмсалымы инвестиация түсінігінің құрамына жатады. Қазіргі уақытта инвестицияның жартысынан көп бөлігі капитал жұмсалымына тиесілі, сондықтан да *капитал жұмсалымы* дегеніміз – жаңа қорларды құру және істеп тұрган негізгі қорларды кеңейту, реконструкциялау, сонымен қатар, оларды техникалық жағынан қайта жабдықтауға жұмсалатын шығындар болып табылады.

Экономикалық тұрғыдан алғанда капитал жұмсалымы ұдайы өндірісті кеңейтудің басты көзі болып саналады. Сонымен қатар, құрделі капитал жұмсалымына құрал-жабдықтарды монтаждаумен байланысты шығындар, монтаждауды талап ететін және талап етпейтін құрылыштың сметасына қосылған құрал-жабдықтарды сатып алуға жұмсалынған шығындар, құрылыштың сметасына жататын өндірістік құралдар мен шаруашылық заттарын алуға жұмсалынған шығындар, құрылыштың сметасына кірмейтін машиналар мен құрал-жабдықтарды сатып алуға кететін шығындар, сондай-ақ, жобалау мен зерттеу жұмыстарына жұмсалынатын шығындар да жатады.

Капитал жұмсалымының тиімділігі оның жұмсалу бағыттарына, құрылымына, кезеңдеріне, сонымен қатар құрылымдық жұмысты жүзеге асыру мерзіміне тікелей байланысты болып келеді. Капитал жұмсалымы экономиканың тұрақтылығына, өнеркәсіптік-өндірістік әлеуеттің өсуіне және ұдайы өндіріс қарқынының жоғарылауына эсер етеді.

Жұмсалыну бағыттарынан байланысты капитал жұмсалымы екіге бөлінеді:

1. Өндірістік бағыттағы капитал жұмсалымы;
2. Өндірістік емес бағыттағы капитал жұмсалымы.

Өндірістік бағыттағы капитал жұмсалымы кәсіпкерлікті дамыту және қолдау туралы бағдарламаға сәйкес келесідей бағыттарға жұмсалынады:

- ауыл шаруашылығы өнімдерін өндеу, өндіру, қайта өндеу, тасымалдау және сактауға;
- өнеркәсіп тауарларын, оның ішінде халық тұтынатын тауарларды өсіруге;
- ғылыми-техникалық прогресті дамытуға;
- құрылыш байланыс және көлік салаларын дамытуға;
- коммуналдық және тұрмыстық қызмет көрсету салаларын дамытуға жұмсалады.

Өндірістік емес бағыттағы капитал жұмсалымы бұл білім беруге, деңсаулық сактауға, мәдінеге және өнер саласын дамытуға, қорғаныс және құқық қорғау саласына, тұрғын үй құрылышына жұмсалынады.

Сондай-ақ, капитал жұмсалымы өндірісті пайдалану бағытына қарай келесідей құрылымдарға бөлінеді:

- салалық;
- техникалық;
- ұдайы өндірістік.

Салалық бойынша капитал жұмсалымы халық шаруашылығы салаларына, экономиканың басынқы секторларына, сонымен қатар ауыл шаруашылығы кешеніне бағытталады.

Капитал жұмсалымының техникалық құрылымы құрал-жабдықтарды сатып алу шығындары, құрылыштық-монтаждық жұмыстар және басқа да капитал жұмсалымдары аралығындағы қатынасты анықтайды.

Техникалық құрылымның активті бөлігі негұрлым көп болса, соғұрлым техникалық құрылым тиімді болып есептелінеді. Құрал-жабдықтарды сатып алу шығындарын капитал жұмсалымының *активті бөлігі* деп, ал құрылыштық-монтаждық жұмыстарды *пассивті бөлігі* деп аталды.

Капитал жұмсалымының ұдайы өндірістік құрылымы жаңа қорларды құруға және жұмыс істеп тұрған өндірістік қорларды кеңейтуге, реконструкциялауға, техникалық жағынан қайта жабдықтауға бағытталған капитал жұмсалымы үлестерінің қатына-

сын көрсетеді.

Капитал жұмсалымының тиімділігі күрделі құрылым, қаржы-

ландыру және несиелеумен байланысты тәуекелдік дәрежесін сипаттайтын, күрделі жұмысқа жұмсалынған капитал, сондай-ақ өтімділік қабілетін сипаттайтын негізгі көрсеткіштерді білдіреді.

Капитал жұмсалымының тиімділік көрсеткіштері экономика-
ның түрлі секторларына байланысты әр түрлі болып келеді.

Тиімділік көрсеткіштері кәсіпорынның қаржылық қызметін бағалау үшін және инвестициялық саясат пен баға белгілеу үшін қолданылады. Тиімділік көрсеткіштерін екі түрге бөлуге бола-
ды:

- абсолюттік тиімділік көрсеткіші;
- салыстырмалы тиімділік көрсеткіші;

Абсолюттік тиімділік көрсеткіші – бұл күрделі капитал жұмсалымы макро, микроденгейдегі тиімділік пен шығындар аралығындағы шекті қатынаспен сипатталады. Жалпы халық шаруашылығындағы капитал жұмсалымының тиімділігін анықтау келесі формулада көрсетілген:

$$\mathcal{E}_{\text{X/ш}} = \Delta YT / K_{\text{Ж}},$$

мұнда: YT – жылдық ұлттық табыс көлемінің өсімі;

$K_{\text{Ж}}$ – капитал жұмсалымы.

Жеке сала бойынша капитал жұмсалымының көрсеткіштері келесі формуламен анықталады:

$$\mathcal{E}_K = \Delta T\Theta / K_{\text{Ж}} - A,$$

мұнда: $\Delta T\Theta$ – таза өнімнің жылдық көлемін өсіру;

A – өндірістік қорлардың амортизациясы.

Жеке кәсіпорын мен фирмаларда экономикалық тиімділікті есептеу формуласы:

$$\mathcal{E}_{\text{K/o}} = \Delta \Pi / K_{\text{Ж}} - A,$$

мұнда: $\Delta \Pi$ – пайданың өсімі.

Капитал жұмсалымының салыстырмалы тиімділік көрсеткішері жұмыс істеп тұрган өндірістің жаңа құрал-жабдықтарды сатып алушмен байланысты. Сондықтан оларды нарықтағы әр түрлі бағаларды салыстыру негізінде жұмсалатын ең жоғарғы шығындарды анықтау кезінде пайдаланады.

Салыстырмалы тиімділік көрсеткішін анықтау формуласы:

$$Ш + Е_n \times K_{\ast} \longrightarrow \min,$$

мұнда: E_n – капитал жұмсалымының салыстырмалы тиімділігінің нормативтік коэффициенті;

Ш – ағымдағы шығындар.

$$K_t + T_n \times Ш_{\ast} \longrightarrow \text{тіп},$$

мұнда: T_n – инвестициялық шығындардың қайтарымдылық мерзіміндегі нормативтік көрсеткіші.

Салыстырмалы тиімділік көрсеткішінің формуласы:

$$K_s = (C_1 - C_2) / (K_1 - K_2),$$

мұнда: C_1, C_2 – капитал жұмсалымына дейінгі және капитал жұмсалымынан кейінгі өнімнің өзіндік құны;

K_1, K_2 – алдынғы және кейінгі капитал жұмсалымының көлемі.

Негізгі капиталды реконструкциялау – бұл өндірісті жетілдіру және оның техника-экономикалық деңгейін жоғарылату мақсатында негізгі қорлардың барлығын немесе белгілі бір бөлігін қайта жаңғырту.

Негізгі қорларды техникалық жағынан қайта жабдықтау – бұл озық техника мен технологияны, автоматизацияны, компьютеризацияны, модернизацияны енгізу негізінде негізгі қорлардың барлығын немесе белгілі бір бөлігін техникалық деңгейде жоғарылату бойынша шаралар жиынтығын білдіреді.



БАҚЫЛАУ СҮРАҚТАРЫ

1. *Инвестиция дегеніміз не?*
2. *Инвестицияны жүзеге асырудың қандай формалары бар?*
3. *Инвестицияны жіктеміздер*
4. *Инвестицияның түрлері мен типтерін анықтаңыздар*
5. *Экономикалық деңгейде инвестицияларды қалай болуге болады?*
6. *Инвестициялау объектісі дегеніміз не?*
7. *Инвестициялық қызметтің субъектілерін анықтаңыздар*
8. *Инвестор дегеніміз не?*
9. *Капитал жұмсалымы дегеніміз не?*
10. *Капитал жұмсалымының бағыттарын атаңыз*
11. *Макро, микродеңгейдегі капитал жұмсалымын анықтаңыз.*

2. ҚАЗАҚСТАНДАҒЫ ИНВЕСТИЦИЯЛЫҚ ҚЫЗМЕТ-ТІҢ ДАМУЫ

2.1

**Инвестициялық қызмет түсінігі
және оның заңнамалық
қамтамасызы етілуі**

Инвестициялық қызмет инвестицияларды салу үдерісін сипаттайты. Ол берілген инвестициялық жобаны жүзеге асыруға ынталы занды және жеке тұлғалардың, мемлекеттің тәжірибелік мақсатты кешенін қамтиды.

Инвестициялық қызмет экономикалық өсуге қол жеткізу мақсатын көздейді. Сонымен қатар, ғылыми-техникалық, өндірістік үдерісті қамтиды және оның кейбір мәселелеріне (мысалы, негізгі өндіріс қорларын жөндеуден өткізуге, жаңа техниканы ендіруге) әсер етеді. Сондай-ақ инвестициялық қызметке қаржы салу және арнағы инвестициялық жобаларды жүзеге асыру жатады.

ҚР-да инвестициялық қызмет зандармен реттеледі және бағдарламалық мақсаттық сипатқа ие болып табылады.

Инвестициялық қызмет – бұл инвестицияларды салу және инвестициялау, инвестицияларды жүзеге асыру бойынша тәжірибелік қызметтер жиынтығы. Сонымен қатар, инвестициялық қызмет инвестордың инвестициялық объектіні таңдауы және құруы, оны пайдалануы мен жоюы, қажетті қосымша салымдарды жүзеге асыруы мен сыртқы қаржыландыруды тартуы бойынша инвесторлардың қызметтің түсіндіреді.

ҚР-ның заңында *инвестициялық қызмет* – жеке және занды тұлғалардың коммерциялық ұйымдардың жарғылық капиталына қатысуы жөніндегі не кәсіпкерлік қызмет үшін пайдаланылатын тіркелген активтерді құрау немесе ұлғайту жөніндегі, сондай-ақ концессионердің (құқық мираскорының) концессия шарты

шеңберінде жасаған және алған, тіркелген активтері жөніндегі қызметі деп көрсетілген.

Жалпы инвестициялық қызметті құқықтық реттеудің 2 формасы бар:

- 1) Ұлттық құқықтық реттеу;
- 2) Халықаралық құқықтық реттеу.

Ұлттық құқықтық реттеу формасы – бұл инвестициялық қызметке байланысты және оны реттеуге бағытталған сол елдің аумағында әрекет ететін зандалықтар мен нормативтік-құқықтық актілер кешені.

ҚР-да инвестициялық қызметті реттейтін негізгі заң «Инвестициялар туралы» ҚР-ның 2003 жылдың 8 қаңтардағы № 373-II заңы (Қазақстан Республикасының 2015 жылғы 29 қазандығы № 375-V Кодексімен құші жойылған) болып табылды. Осы заңның қабылдануымен байланысты ҚР-ның инвестициялар туралы зандары да күштерін жойған: «Шетелдік инвестициялар туралы» ҚР-ның 1994 жылғы 27 желтоқсандағы заңы, ҚР Жоғарғы Кеңесінің «Шетелдік инвестициялар туралы» ҚР-ның заңын күшіне енгізу тәртібі жөніндегі 1994 жылғы 27 желтоқсандағы Қаулысы, «Тікелей инвестицияларды мемлекеттік қолдау туралы» 1997 жылғы 28 ақпандығы ҚР-ның заңы.

ҚР-ның инвестициялар туралы зандары ҚР-ның Конституциясына негізделеді және ҚР-ның «Инвестициялар туралы» заңы мен өзге де нормативтік-құқықтық актілерінен тұрды. Сонымен қатар, бұл заң мемлекеттік бюджет қаржатынан инвестицияларды жүзеге асыруға, коммерциялық емес ұйымдарға – оның ішінде білім беру, қайырымдылық, ғылыми немесе діни мақсаттар үшін капитал салуға байланысты қатынастарды реттемеді.

«Инвестициялар туралы» заң ҚР-дағы инвестицияларға байланысты қатынастарды реттеді, инвестицияларды ынталандырудың құқықтық және экономикалық негіздерін айқындаады. ҚР-сында инвестицияларды жүзеге асырган кезде инвесторлардың құқықтарын қорғауға кепілдік берді, инвестицияларды мемлекеттік қолдау шараларын, инвесторлар қатысатын дауларды шешу тәртібін белгіледі.

Инвестицияларды жүзеге асыру кезінде туындастын және Қазақстан Республикасының өзге де зандарының қолданылатын саласына байланысты қатынастарға «Инвестициялар туралы» заңының ережелері ҚР-ның осындай зандарына қайшы келмейтін болігінде қолданылды. Егер ҚР бекіткен халықаралық шартта осы зandaғыдан өзгеше ережелер белгіленсө, халықаралық шарттың ережелері қолданылды.

Ұлттық қауіпсіздікті қамтамасыз ету қажеттігі негізінде ҚР-ның заң актілерінде инвестициялық қызметте шектелетін немесе оған тыйым салынатын қызмет түрлері мен аумақтары белгіленген. Сонымен қатар, бұл занда инвестиция, инвестициялық қызмет, инвестор, инвестициялық преференция ұғымдарына анықтама берілген.

2.2 || «Қазақстанның индустрiadлы-инновациялық даму стратегиясы»

ҚР-да экономиканың басым секторларын дамытуды және индустрiadлы-инновациялық қызметті мемлекеттік қолдауды жүзеге асыру ел келешегінің дамуындағы ең басты бағыттардың және міндетті шарттардың бірі. Соғы жылдары инновациялық саясатты қалыптастыруға деген ұмтылыс маңызды мәселеге айналды. Сол себепті еліміздегі индустрiadлы-инновациялық даму стратегиясының жүзеге асырылуы маңызды болыш табылады.

ҚР Президентінің Жарлығымен бекітілген ҚР-ның индустрiadлы-инновациялық дамуының 2003-2015 жылдарға арналған стратегиясының негізгі бағыттары бойынша елімізде жұмыстар жүргізіліп келеді. Мемлекет жоғары технологиялы өндірістер қалыптастыруға, оның ішінде шетелдік те, салапаралық та технологиялар трансфертінің тиімді жүйесін жасауға жәрдемдесу үстінде. Сонымен қатар, жоғары ғылыми-технологиялық әлеуеті бар ғылыми-техникалық және өнеркәсіптік

ұйымдар мен кәсіпорындар желісі бар қалаларда қазіргі заманғы ғылыми және инновациялық инфрақұрылымды жасап, оның қазіргі заманғы элементтерінің қызметін (технопарктер, ұлттық ғылыми орталықтар, ғылыми-технологиялық аймактар және с.с.) қолдауда. Ғылыми-техникалық және өндірістік үйымдар мен кәсіпорындардың инновациялық қызметін ынталандыруға, ғылым мен инновациялар салаларына инвестициялар тартуға, өнеркәсіп пен қызмет көрсету саласына инновациялардың жылдамырақ енүіне бағытталған заң шығару базасы да елімізде барынша жетілдіріліп жатыр. Бұл Қазақстанда индустріалды-инновациялық саясаттың алғышарты жасалғанын көрсетеді.

Индустріалды-инновациялық дамудың 2003-2015 жж. және 2010-2014 жылдарға арналған стратегиясының маңызды міндеттерінің бірі мақсатты инвестиациялық және ғылыми-техникалық стратегияларды іске асыру, инвестиациялық белсенділікті реттеу мен ынталандыру болып табылады. Бұл индустріалды-инновациялық дамуды, қазіргі мемлекеттік басқару жүйесін қайта қарауды және белгілі бір дәрежеде қайта құруды кажет етеді.

Өндеуші өнеркәсіптің әлемдік экспортындағы КР-ның үлесін ұлғайту және барлық факторлардың өнімділігінде дамыған елдерден алшақтықты қысқарту арқылы 2035 жылға қарай өндеуші өнеркәсіпте Экономикалық ынтымақтастық және даму үйімінің ең дамыған елдерінің бәсекеге қабілеттілігінің орташа деңгейіне қол жеткізу индустріяландыру саясаты болып табылады. 2010-2014 жылдары Қазақстан Республикасын үдемелі индустріалдық-инновациялық дамыту жөніндегі мемлекеттік бағдарлама шенберінде бірінші кезең іске асырылды, онда индустріалдық даму үшін заңнамалық, инфрақұрылымдық және институционалдық негіздер қаланды.

Индустріалды-инновациялық дамудың 2015-2019 жылдарға арналған стратегиясының мақсаты – еңбек өнімділігін арттыруға және өңделген тауарлар экспортының көлемін ұлғайтуға бағытталған өндеуші өнеркәсіптің бәсекеге қабілеттілігін екпінді ынталандыру. Сондай-ақ, міндеттері:

- 1) дәстүрлі секторлардагы кәсіпорындарды жаңғырту есебінен тиімді базалық индустріяны құруды аяқтау;

- 2) сала түзуші ірі жобаларды іске асыру арқылы индустриялық өсудің жаңа нұктелерін қалыптастыру;
- 3) экспортқа және өз еңбегінің өнімділігін үнемі арттыруға бағдарланған тиімділігі жоғары индустриалдық кәсіпкерліктиң пайда болуы үшін жағдайларды қамтамасыз ету;
- 4) инновациялық белсенді бизнестің сындарлы мөлшерінің пайда болуы үшін алғышарттар жасау.

Стратегияларда қойылған мақсаттар мен міндеттерге тиімді қол жеткізу үшін олардың шеңберінде стратегияны одан әрі жүзеге асыруду құтілетін жаңа экономикалық шарттарды ескере отырып, оны іске асыру тетіктерін сапалық жағынан жаңадан толықтыру және экономиканы одан әрі жаңғырту, экономиканың барлық салалары мен капиталды қарқынды дамыту бойынша мемлекеттің кешенді күшін айқындау талап етіледі.

ҚР-сын индустриалды-инновациялық дамытуға арналған мемлекеттік бағдарламалары «Қазақстан-2050» стратегиясының ұзақ мерзімді басымдықтарына, Қазақстанның әлемнің дамыған отыз елінің катарына кіруі жөніндегі тұжырымдамаға сәйкес, сондай-ақ Қазақстан Республикасы Президентінің жаңындағы Шетелдік инвесторлар кеңесінің XXVI жалпы отырысында Мемлекет басшысы берген тапсырманы орындау үшін және ҚР Президентінің «Қазақстан жолы-2050: Бір мақсат, бір мұдде, бір болашақ» атты 2014 жылғы 17 қаңтардағы Қазақстан халқына Жолдауын іске асыру шеңберінде әзірленген.

Стратегияларды жүзеге асыру мақсатында даму институттары қызмет атқарды. Жалпы алғанда, даму институттарының тұрақты жұмыс істеуі орталықсыздандыру, мамандандыру, бәсекелестік және ашиқтық қагидаларына негізделетін бір-ынғай жүйені қалыптастыруы тиіс.

Орталықсыздандыру қагидасы жеке сектордың бастамаларын қолдау (қаржылай қолдау) көздерінің сан түрлі болуын білдіреді. Іс жүзінде бұл мемлекеттің қаржы және ақпараттық ресурстарды бір ғана даму институтына жұмылдырмайтынын білдіреді. Бұл шешімдерді қабылдау кезінде мүмкін болатын жүйелі тәуекелдерді болдырмауға және бәсекелестіктің негізін салуга, соның нәтижесі ретінде қолдау көрсету кезінде

негұрлым ашық саясат жүргізуге, сондай-ақ, жеке сектордың бастамаларын негұрлым терең талдауды жүзеге асыруға мүмкіндік береді. Мысалы, егер перспективалы жоба даму институттарының бірінде қолдау таппаса, онда оны басқа институттан алу мүмкіндігі сақталады.

Мамандану қагидасты даму институттарының қызметтерінің белгілі бір операцияларына және түрлеріне мамандануын білдіреді. Мысалы, Қазақстан Даму Банкі жобаларды банктік несиелеу арқылы, Қазақстан инвестициялық қоры – жаргылық капиталға үлестік (бақылаусыз) қатысуы арқылы, Ұлттық инновациялық қор – гранттар, оның ішінде ғалымдар мен ғылыми мекемелерге гранттар беру және капиталға үлестік қатысу арқылы жобаларды қаржыландыруға маманданған. Мамандану қагидасты даму институттарының мамандану шеңберінде операциялармен және қызмет түрлерімен ғана айналысатынын білдірмейді. Олар өздері үшін негізгі болып табылмайтын басқа операцияларды да жүзеге асыра алады. Бұл үшін негізгі емес операциялар мен қызмет түрлерін жүзеге асырудың лимиттері белгіленген.

Бәсекелестік қагидасты даму институттарының қызметін бәсекелестік негізде жүзеге асыруды білдіреді. Мұндай қажеттілік институттардың көпшілігі дамудың осы кезеңінде нарықта жок институттарға еліктеуге бейімді екенімен байланысты. Институттардың қызметі нарықтық институттарға еліктеуді білдіретінін ескере отырып, әuel бастан олардың қызметін нарықтық, яғни бәсекелестік негізде құру. Бәсекелестік қагидасты қандай да бір институттың қызметінің нәтижелерін салмақтауға мүмкіндік береді.

Анықтық қагидасты менеджерлердің есептілігі мен жауапкершілігін, қаржы ресурстарын мақсатты, әрі тиімді пайдалану үшін тиісті бақылауды қамтамасыз ететін дамудың мемлекеттік институттарын корпорациялық басқарудың ашық жүйесін құруды білдіреді. Мемлекет даму институттарының алдына қойылған міндеттерді тиісінше іске асыру мақсатында олардың қызметін қандай да бір қысымнан қорғауды қамтамасыз етуі тиіс. Осы қафиданы жүзеге асыру үшін тәуелсіз директорлар

институты мінсіз іскерлік беделі бар шетелдік жоғарғы білікті менеджерлерді тарта отырып, корпоративтік басқарудың қазіргі заманауи құралдарын белсенді пайдаланады.

Мемлекеттік индустріалды-инновациялық саясаттың негізгі мәні әлемдік нарықтағы белгілі бір тауашалардағы (ұшықтардағы) экспортқа бағытталған экономиканың шикізаттық емес салаларында және инновациялық секторда бәсекеге қабілетті ұлттық тауарлар мен қызмет көрсетулер өндірісін құру мен дамыту болып табылады.

Индустріалды саясат деп мемлекет олар арқылы бәсекеге қабілетті және тиімді ұлттық өнеркәсіп пен жоғары технологиялар индустриясын қалыптастыру үшін кәсіпкерлікке қолайлы жағдайлар жасайтын, сондай-ақ қолдау көрсететін шаралар кешенін түсіндіреді.

Стратегия индустріалды-инновациялық дамудың және экономикалық саясаттың индустріяландырудан кейінгі және үдемелі инновациялық даму жағына қарай экономика құрылымындағы сапалы өзгерістерді жүргізуі қамтамасыз етуге жұмылдырылған мемлекеттің барлық қолда бар ресурстық мүмкіндіктерін тиімді пайдалануға негізделген саяси, экономикалық және ұйымдық-құқықтық шаралардың, қағидалардың, басымдықтардың жиынтығын білдіреді.

2.3 || Қазақстан Республикасындағы шетелдік инвестициялар

Шетелдік инвестициялар – бұл ҚР аумағындағы кәсіпкерлік қызметтің объектісіне шетел инвесторына тиесілі азаматтық құқықтардың, соның ішінде ақша қаражаттардың, бағалы қағаздардың, мүліктік, интеллектуалдық құндылықтардың және ақпарат нәтижелеріне ерекше құқықтардың ақшалай бағасына ие мүліктік құқықтар объектісі түрінде шетел капиталын салу.

Сыртқы инвестициялаудың негізгі көзі – *шетелдік тікелей инвестициялар* болып табылады.

Шетелдік тікелей инвестициялар тек ішкі капитал салымдарының қосымша көзі ретінде ғана емес, сонымен қатар жаңа жетілдірілген технологияларға, сыртқы қарыздарды өткізу жүйесіне, қаржыландырудың жаңа көздеріне қол жеткізу әдісі ретінде қарастырылуы мүмкін және шетелдік инвесторлар жаңа өндірістерді құруға көмектесу мүмкін.

Шетелдік тікелей инвестиациялар – шетелдік инвесторлардың салған капиталының отандық кәсіпорыннан артықшылығы болумен түсіндіріледі.

Қазақстан экономикасына 1998-2018 жылдар аралығында 300 млрд доллар көлемінде тікелей шетел инвестиациясы тартылды.

Шетелдік тікелей инвестиациялар трансұлттық компаниялар, халықаралық институттар, шетелдік банктер есебінен құрылған.

Негізгі *шетелдік инвесторлар* – АҚШ, Оңтүстік Корея, Жапония, Ұлыбритания, Қытай, Еуропа мемлекеттері болып табылады.

Әлемде 20000-нан астам трансұлттық компания бар. Қазақстан аумағында олардың қызметтері біріккен кәсіпорындардың құрылымымен байланысты дамыды.


Әлемдегі 100-ден аса ірі корпорацияның 35-і мұнай және осыған үкісас секторларда жұмыс істейді. Егер осыдан 15-20 жыл бұрын ірі трансұлттық корпорациялардың барлығы Еуропа, АҚШ және Жапония елдерінің үлесінде болса, қазір едәуір бөлігін Оңтүстік Корея, Қытай, Ресей және Бразилия елдерінің ірі компаниялары құрайды. Өйткені, бұл елдер трансұлттық корпорациялардың ел экономикасының іргесін кеңейтудегі рөліне мән беріп, оларға барынша көмек көрсетуде.

1. *Ең ірі трансұлттық компаниялар* – Шеврон, British gas, Қытай Ұлттық компаниясы, Тексака, Филип Морис болып табылады.

2. *Халықаралық қаржы институттары:*

- 1) Халықаралық қайта құру және даму банкі;
- 2) Азия қайта құру және даму банкі;
- 3) Еуропа қайта құру және даму банкі;

- 4) Жапонияның Эксим банкі;
- 5) Жапонияның халықаралық серіктестік қоры.
3. Шетелдік коммерциялық банктер.



2-сурет. Қазақстан Республикасындағы шетел инвестициясы

Мемлекеттік портфельді инвестициялау кезінде олардың иесі үшін тек табыс маңызды болады. Ал кәсіпорындарды бақылау олардың мүддесіне жатпайды. Қазақстан экономикасына шетелдік инвесторларды тарту әлеуметтік-экономикалық дамудағы мәселелерді шешуге көмектеседі:

- казақстандық тауарлар мен технологияларды сыртқы нарыққа шығару;
- әр түрлі салаларда экспорттық әлеуетті кенейту және импорттың орнын басататын өндірісті дамыту;
- еңбек күші көп аймақтарға және табиғи ресурстарға бай аудандарға капитал құюға көмектесу;
- жаңа жұмыс орындарын құру және өндірісті ұйымдастырудың алдыңғы қатарлы орындарын шегеру;
- кәсіпкерлік саладағы өркениетті қатынастардың нәтижесін игеру;
- өндірістік инфрақұрылымның дамуына көмектесу.

Шетел инвестициясын тартудың объективті алғышарты нарықтық қатынастарға өту халықаралық қатынастардың қамтылуын және ұлттық экономиканың әлемдік экономикалық

кеңістіктегі интеграциясын анықтайды. Осыған байланысты 1994 жылы 27 желтоқсан айында «Шетелдік инвестициялар туралы» заң (күші жойылған) қабылданды, бұл заң шетел инвесторларының құқығын және ҚР-ның аумағында инвестициялық қызметті ұйымдастыруға қойылатын талаптарды бекітті. Осы заңға байланысты шетел инвестицияларын тартудың негізгі мақсаттары келесілер болып табылды:

- өндірісті дамыту және экономиканы көтеру үшін инвестиацияны ресурстармен қамтамасыз ету;
- жаңа техника мен технологияны енгізу және өндіріс тиімділігін арттыру үшін еңбекті ұйымдастырудың жаңа формаларын енгізу;
- әлемдік шаруашылықтың жаһандануымен байланысты шаруашылық байланыстарды дамыту.

Сонымен қатар, шетелдік инвестицияларды тартудың негізгі қағидалары да анықталған:

- 1) экономикалық мақсаттылық қағидасы (сала немесе мемлекет үшін өткізудің тиімділігі және табыстырымы);
- 2) экономикалық және экологиялық қауіпсіздік қағидасы, яғни инвестицияны жүзеге асыруда келесі талаптар бұзылмауы тиіс:

- табиғи ресурстарды тиімді пайдалану;
- экологияға қауіп туғызуға жол бермеу;
- мемлекеттен заңсыз түрде капиталды алып шыгуға тиым салу;
- ескі техника мен технологияны енгізуге тиым салу.

1990 жылдарда шетел инвесторлары инвестицияларды капиталды көп қажет етпейтін тез өтелетін инвестиациялық жобаларға, әсіресе саудага, қофамдық тағамға, өндійтін өнеркәсіп салаларына салған. Сол уақытта капиталды көп қажет ететін салаларға, сонымен бірге ғылыми-техникалық прогрестің дамуын анықтайтын салаларға инвестициялардың көлемі аз болатын. Қазақстандағы шетелдік тікелей инвестиациялардың маңызды көлемі отын өнеркәсібіне келді, себебі ол дамыған және басқа мемлекеттерге өнімді экспорттауга бейімделген. Осы жағдайда

шетел инвесторлары өздерінің мемлекеттерін шикізатпен қамтамасыз ету мәселелерін шешуге көмектесті.

ҚР-да шетел инвестицияларын тарту 1992 жылдан басталды. Алғашқы экспорттау кешенін – Австрия мен Германия Үкіметтері берді.

1992-1995 жылдары ҚР шет елден техникалық көмек түрінде 270 млн доллар алды. Кеңес Одағы ыдырағаннан кейін 1994 жылы қаржылық экономикаға өту кезінде Қазақстанның экономикалық жағдайы келесі факторлармен сипатталды:

- инфляцияның 15-50%-ға кемуімен;
- ірі компаниялардың банкротқа ұшырауымен.

1993-1995 жылдар аралығында республика экономиканы жүйелі қайта құруды жүргізу және макроэкономикалық тұрақтылық пен реформаны қамтамасыз ету бағдарламасы бойынша Халықаралық валюта қорымен келісім жасады.

1994 жылы қазан айында парламент «Инфляция туралы» заң қабылдады. Осы заңмен біздің экономикалық салаларымызға байланысты инвесторларға келесідей құқықтар берілді:

- пайданы еркін қолданып, шетелдік банктерде шот ашуударына рұқсат етілді;
- инвесторларға өздерімен бірге мамандарды шетелден әкеleуге рұқсат берді;
- жабдықтарды, компьютерлерді әр түрлі салық салулардан босатты.

Тікелей инвестиацияның алғышарты оның мемлекеттік қарызыға әсер етпеуінде, ал, халықаралық органдардан алынған зайдар үкіметтің кепілдігімен алынады.

Шетел инвесторларының саяси қағидалары:

- экономикалық пайданың тиімділігі;
- экономикалық және экологиялық қауіпсіздендіру;
- экологияга зиян келтірмеу;
- капиталды мемлекеттен шыгару;
- ескірген техникамен жұмыс жүргізбеу;
- инвестордың сенімді серіктесі болу.

Игерілген шетелдік тікелей инвестициялардың едәүір бөлігі мұнай, газ, тұсті металл, энергетика салаларына бөлінді. Сонымен қатар, Қазақстанда шетел инвесторларының көптеп келуіне әсер ететін жағдайлар бар. Мысалы, бай минералдық шикізат көздері, көптеген табиғи жер ресурстары, яғни, тұсті және қара металлургия, химия және мұнай химиясы. Еліміздегі өнеркәсіптік қуаттылық пен халықтың білім деңгейі жеткіліксіз мамандандырылған кадрларды қамтамасыз етті. Негізінен елімізге барлық инвестицияның 80%-і шикізатқа мұнай өндөу, газ, қара және тұсті металлургия мен энергетика саласына келді.

2018 жылы негізгі капиталға салынған инвестициялардың жалпы көлемі 21,6%-ке артып, 7,5 трлн теңгені құрады. Тікелей шетелдік инвестиациялардың жалпы көлемі 15,4%-ке ұлғайып, 12,3 млрд долларды құрады. Атап айтқанда өсім келесі салаларда байқалды: тау-кен өнеркәсібі – 6,7 млрд доллар (өсім 13,6%), көлік – 393,3 млн. доллар (өсім 21,7%), сауда – 2,0 млрд теңге (өсім 37,3%), қаржылық және сақтандыру қызметі – 359,5 млн доллар (өсім 1,7 есе), акпарат және байланыс – 124,2 млн доллар (өсім 5,7 есе).

Ұлт жоспары – 100 нақты қадам аясында ТҮК-ды тарту жұмыстарын белсенді түрде жүргізуде. Шамамен 10,6 млрд. доллар болатын 34 жобадан ТҮК жобаларының тізімі жасалды (12 жоба іске асырылуда, 22 жоба үысынылуда).

Жалпы сомасы 1,4 млрд доллар болатын 12 жоба іске асырылу сатысында, оның ішіндегі құны 1 млрд доллар болатын 8 жоба қарқынды түрде іске қосылуда. Маңызды жобалардың арасынан инвестиция көлемі 83 млн доллар Техникалық газ өндіретін немістің Linde Group компаниясын, инвестиция көлемі 165 млн доллар картоп өндіретін голландиялық фирмалы, инвестиция көлемі 70 млн доллар жоғары сапалы эк өндіретін бельгиялық Carmeuse Group компаниясын, инвестиция көлемі 220 млн. доллар сода құлін өндіретін түріктің Yildirim Holding компаниясын, инвестицияларының көлемі 194 млн доллар болат құбырларын шыгаратын қытайдың CNPC және цемент өндіретін China Gezhouba Сем компаниялары.

Жалпы сомасы 9,2 млрд АҚШ долларын құрайтын 22 жоба ұсынылуда. Бұлардың арасынан майлауға арналған жоғары сапалы май өндіретін қытайлық Citic Group, алюминий өнімдерін шығаратын жапондық Nippon Sanso, өсімдік майын өндіретін Marubeni, француздық фармацевтикалық препараттар өндіретін Servier жобаларын атауга болады.

Тікелей шетелдік инвестициялардың жалпы ағыны құрылымында Нидерланды (жалпы ТШИ тұсі 39,9 %) көш бастап түр, одан кейін Франция (7,8), Қытай (5,9), АҚШ (5, кейін 2 %), Ұлыбритания (4,6), Ресей (3,9), Виргин (British) аралдары (3,3) және Жапония (3,1). Қазақстан экономикасына инвестиацияны 120-дан астам ел құяды.

2.4 Қазақстан Республикасындағы инвестициялық климат және оған әсер етуші факторлар

Қай елде болмасын инвестицияның келуі инвестициялық климат дәрежесіне және оны анықтайдын факторларға тікелей байланысты. Инвестициялық климатты дайындау шетел инвестицияларын тарту мен пайдалану саясатының *негізгі міндеттері* болып табылады. Себебі, *біріншіден*, инвестициялық климат шетел инвестицияларына әсер ететін факторларды анықтауға; *екіншіден*, мемлекеттегі жағдайларды тереңірек бағалауға; *үшіншіден*, шетел субъектілерінің мінез-құлыштарын анықтауға мүмкіндік береді.

Инвестициялық климат мемлекеттік, аймақтық, салалық инвестициялық қызмет жағдайларын анықтайдын нормативтік-құқықтық актілер, ұйымдық, экономикалық, әлеуметтік, саяси, мәдени және тағы басқа да бір-бірімен байланысты факторлар әсерінен қалыптасады. Яғни, инвестициялық климатты бірқатар көрсеткіштер арқылы бағалауға болады, олар:

- экономикалық жағдай;

- банк жүйесінің тұрақтылығы;
- саяси тұрақтылық;
- табиғи және еңбек ресурстарымен қамтамасыз ету;
- инвестициялық қызметтің құқықтық реттеу дәрежесі және нормативтік-құқықтық актілердің болуы;
- инфляция қарқыны;
- сыртқы экономикалық байланыстар дәрежесі;
- білікті жұмыс күшінің болуы;
- мемлекеттік нарық әлеуетінің сипаты;
- нарық инфрақұрылымының және валюта нарығының дамуы.

Шетелдік инвесторлар осы көрсеткіштерді бағалап мемлекеттегі инвестициялық климатты **жагымды** немесе **жагымсызы** екендігін анықтайды. Егер инвестиациялық климат жағымды болса, инвестиция бойынша шешім қабылдайды.

Инвестициялық климат инвестиациялық саясаттың әсер ету объектісі болып табылады. Бұл бір жағынан инвестиациялық саясатты жасау үшін алғашқы жағдайларды анықтаса, ал екінші жағынан инвестиациялық саясаттың нәтижесі болып табылады.

Шетелдік капиталды импорттайтын елдер инвестицияны белгілі бір себепке байланысты қажет етеді:

- елдің экономикалық дамуын қаржыландыруда қарражат жетпеушілігі мен халықтың жұмысбастылық деңгейін көтеру үшін қажет етеді;
- аймақтық шаруашылық құрылымдарды жетілдіру және жаңа техника мен технологияларды алу, бәсекеге қабілеттілікті көтеру үшін тартады.

Қазақстан Республикасындағы инвестициялық климатты келесідей факторлармен сипаттауға болады:

Саяси фактор – мемлекеттік саясат, халықаралық келісімдер, заңнамалық және атқару құрылымдарының тұрақтылығы мен мемлекеттің экономикаға қатысу деңгейі.

Қаржы-экономикалық фактор – экономиканың жалпы жағдайы, валюта-қаржылық және несие жүйелерінің жағдайы, кедендейтік төлемдер мен жұмыс күшін пайдалану деңгейі.

Әлеуметтік фактор – әлеуметтік даулардың болуы, елдегі қылмыстық жағдай және халықтың өмір сұру деңгейі.

Инвестициялық климаттың факторлары жағымды және жағымсыз болып бөлінеді

Жағымды факторлар:

- табиғи ресурстарға оңай қол жеткізу;
- елдің тиімді геостратегиялық орналасуы;
- қаржы-экономикалық трансформациялау бойынша ТМД елдері үшін де жетекші рөл атқаруы:
- нарықтың жоғары мүмкіндіктері;
- елдің сыртқы саясаты.

Жағымсыз факторлар:

- инвестиция тарту тетігі;
- инвестициялау тәуекелділігі.

Қазіргі кездегі мемлекеттің табыстылығы мен бәсеке қабілеттілігін айқындастын маңызды өлшемдердің бірі инвестициялық климат болып табылады. Мемлекеттердің шетелдік инвестицияларды тарту құқығына бәсекелестік күресте климаттық жағдайлар, енбектің мәдени дәстүрлері мен ерекшеліктері және тағы сол сияқты елеусіз, кейде экономикаға байланысты емес факторлар үлкен мүмкіндіктерке ие болады. Сонымен бірге, инвестициялық климатты айқындастын басты факторлардың бірі салық және кеден режимдері болып табылады.

ҚР-ның салық және кеден режимдері Қазақстанның экономикасына инвестиациялау үшін неғұрлым қолайлы жағдайлар жасауға бағытталған. Бұл ретте Қазақстан Үкіметі республика экономикасының шикізаттық емес секторына сыртқы да, ішкі де инвестиацияларды ынталандыру үшін барлық қажетті алғышарттарды жасады.

Қазақстан Үкіметі басымдықтарының бірі Дүниежүзілік сауда үйіміна кіру болып табылды. 2015 жылғы 27 шілдеде ДСҰ-ның Бас кенесінің отырысында ҚР-дың ДСҰ-га кіруі жөніндегі құжаттар пакетін үйімнің барлық мүшелері қабылдады және Мемлекет басшысының қатысуымен Қазақстанның ДСҰ-га қосылуы туралы хаттамаға қол қою рәсімі болды.

Қазақстан 2015 жылғы 30 қарашада КР Парламенті міндеттесмелер пакетін ратификациялағаннан соң, ДСҰ-ның 162-ші мүшесі болды.

Бұл ұйымға қатысу Қазақстанның инвестициялық жағдайын анағұрлым тартымды етуге мүмкіндік туғызды. Осыған байланысты, Қазақстан Республикасының Кеден кодексі ДСҰ-ның кедендейкі рәсімдерін оқайлату жөніндегі конвенцияның негізінде жасалғандықтан, ол ДСҰ-ның негізгі талаптарына жауап береді. Сонымен қатар, кеден заңнамасын ДСҰ Келісімінің кедендейк бағалау жөніндегі нормаларына одан әрі сәйкес, сондай-ақ шыққан елі белгіленбеген тауарлар бойынша импорттың кеден баждары мөлшерлемелерін екі есе мөлшерде төлету тәжірибесін алып тастауга қатысты ДСҰ ұсынатын талаптарға сәйкес жасау қажет. Осы мақсат үшін Қаржы министрлігі «Қазақстан Республикасының Кеден кодексіне өзгерістер енгізу туралы» Заң жобасын әзірлеп, КР-ның кеден заңнамасына өзгертулер жасады. Бұл заң кеден органдарының қызметіне халықаралық стандарттарды енгізуге, КР-ның кеден заңнамасын Қазақстанның негізгі серіктес мемлекеттерінің заңнамасымен үйлестіруге бағытталды.

Бұдан басқа, сенімділік және кедендейк рәсімдеу үдерісін тездешу, бақылау сапасын арттыру, жүктөрдеге рұқсат етілмеген кідіртулерді төмендету, бөгде салымдарды анықтау, кедендейк бақылау тиімділігі мен сапасын арттыру мақсатында түрлі контейнерлерді жабық күйінде тексеру үшін Қаржы министрлігі инспекциялық тексеру кешендерін орнатты.

Осы жүйелер, негізінен, кедендейк бақылаудағы тауарларды жеткізуде бақылау тиімділігін арттыру, сондай-ақ кедендейк бақылау жүргізу кезінде «адам факторын» мүмкіндігінше қоспауга арналған.

Сондай-ақ, автомобильдермен жүк тасымалдау, тауарларды жеткізуде бақылаудың автоматтандырылған жүйесін орнату саласында қазіргі заманғы техникалық, кедендейк бақылау құралдарын енгізу жөнінде белсенді жұмыс жүргізілді.

Жүктөрді тексеруден өткізу рәсімдерін оқайлатуға, тексеруден өткізу уақытын азайтуға, сыртқы сауда айналымының

денгейін және еліміздің бюджетіне түсетін түсімдер сомасын арттыруға мүмкіндік берді.

Қаржы министрлігі инвестициялық климатты жақсартуға барлық қажет күшін салуда, бұл Елбасымыздың алға қойған Қазақстанның әлемдегі бәсекеге барынша қабілетті 30 елінің қатарына кіру жөніндегі мәселесін орындауға мүмкіндік береді.

Инвестицияларды мемлекеттік қолдаудың маңызы – экономиканың дамуы үшін қолайлы инвестициялық климат жасау және осы заманғы технологияларды қолдана отырып, жаңа өндірістер құруға, жұмыс істеп тұргандарын кеңейту мен жаңартуға, қазақстандық кадрлардың біліктілігін арттыруға, соndай-ақ қоршаған ортаны қорғауға инвестицияларды ынталандыру болып табылады.

Сондай-ақ инвестицияларды мемлекеттік қолдау инвестициялық преференциялар беру болып табылады. *Инвестициялық преференциялар дегеніміз* – ҚР-сында инвестициялық жобаның іске асрылуын жүзеге асыруышы заңды тұлғаларға ҚР-ның заңдарына сәйкес берілетін атаулы сипаттағы артықшылықтары.

Келісім-шарт жасасу арқылы келесідей инвестициялық преференциялардың түрлері қалыптасқан:

- инвестициялық салықтық преференциялар;
- кеден баждарын салудан босату;
- мемлекеттік мүліктік гранттар.

Инвестициялық преференциялар қызметтің басым түрлеріне беріледі, олардың тізбесін экономикалық қызмет түрлерін жалпы жіктелінуі деңгейінде ҚР-ның Үкіметі бекітеді. Үкімет қызметтің әрбір басым түрі бойынша инвестициялардың ең жоғары көлемін және инвестициялық салықтық преференциялардың қолданылу мерзімдерін бекітеді, бұл ретте инвестициялық преференцияларды үәкілдетті орган береді.

Инвестициялардың белгіленген ең жоғарғы көлемінен олар асрылып жіберілген жағдайда, қолданылатын инвестициялық салықтық преференциялардың қолданылу мерзімдері ҚР-сы Үкіметінің тиісті шешімін кабылдау жолымен белгіленеді. Инвестициялық преференциялар инвестициялық жобаның атқа-

рылуын жүзеге асыратын ҚР-ның заңды тұлғасымен келісімшарт жасасу арқылы беріледі.

Инвестициялық салықтық преференциялар әрбір жекелеген жағдайда қызмет түрлеріне және тіркелген активтерге салынатын инвестициялардың көлеміне байланысты белгіленген мерзімге беріледі. Оның қолданылу уақыты ҚР-ның Салық Кодексіне сәйкес келісім-шартта белгіленеді. Заңды тұлға жүзеге асыратын, арнаулы салық режимі қолданылатын қызметке, ҚР-ның заңды тұлғасына мемлекеттік мүліктік грант турінде берілген тіркелген активтерге, сондай-ақ жер қойнауын пайдалануға арналған келісім-шарттар бойынша қызметке қатысты инвестициялық салықтық преференциялар берілмейді.

Кеден баждарын салудан босату инвестициялық жобаны іске асыру үшін әкелінетін жабдықтар мен олардың жиынтықтауышы мүліктерінің импорты кезінде ұсынылады. Ол келісімшарттың қолданыс мерзіміне, келісім-шарт тіркелген кезден бастап 5 жылдан аспайтын мерзімге ұсынылады. Қабылданған шешім туралы хабарламаны уәкілетті орган 5 жұмыс күні ішінде кеден ісі мәселелері жөніндегі уәкілетті мемлекеттік органға жібереді.

Мемлекеттік мүліктік гранттарды заңда белгіленген тәртіппен уәкілетті орган мемлекеттік мүлікті және жер ресурстарын басқару саласындағы тиісті мемлекеттік органдармен, сондай-ақ жергілікті атқарушы органдармен келісім бойынша инвестициялық міндеттемелер келісім-шартқа сәйкес орындалған жағдайда, кейіннен меншікке не жер пайдалануға өтеусіз бере отырып, уақытша өтеусіз пайдалануға не уақытша өтеусіз жер пайдалану құқығымен береді. Ұсынылған мемлекеттік мүліктік грантты меншікке немесе жер пайдалануға өтеусіз беру үшін уәкілетті органның шешімі негіз болады. Мемлекеттік мүліктік гранттар ретінде: жер участкері, ғимараттар, құрылыштар, машиналар мен жабдықтар, есептеу техникасы, өлшетін және реттейтін құралдар мен құрылғылар, көлік құралдары (женіл автокөлікті қоспағанда), өндірістік және шаруашылық құрал-жабдықтары берілуі мүмкін.

Тәуелсіздік алған жылдары Қазақстанга маңызды қаржылық

ресурстардың көлемі тартылды және экономика салаларында инвестициялық табыс үшін қолайлы жағдайлар жасалған.

1994-2019 жылдар аралығында мемлекеттің экономикасына 265 млрд доллар сомасында тікелей шетелдік инвестициялар тартылды. Шетелдік инвестиациялардың тартылуының алғашартты ретінде құрылымдық инвестициялық саясатты жетілдіру мақсатында 1997 жылы 2 маңызды заң қабылданған болатын:

- «Тікелей инвесторларды мемлекеттік қолдау туралы» ҚР Заны;
- «Сыртқы қарыз алу мен басқару туралы» ҚР Заны.

Қазақстан Орталық Азиядағы тікелей инвестиацияларды тарту үлесі бойынша шамамен 70%-ды құрайды. Ал, ТМД елдері арасында көш басында келеді. Осыған байланысты Қазақстандағы инвестиациялық климатты жақсы деп есептеуге болады. Еліміздің инвестиациялық климатын жақсарту, оны насиҳат- тау

мақсатында іскер топ өкілдерінің сапарларын, екі жақты кездесулер, бизнес-форумдар және ынти мақтастықтың өзара тиімді басқа да шараларын ұйымдастырып отыруға мән беріледі.



БАҚЫЛАУ СҮРАҚТАРЫ

1. *Инвестициялық қызмет дегеніміз не? Оған анықтама беріліз?*
2. *Инвестициялық қызметтің реттейтін заңдарды атаңыз.*
3. *Инвестициялық қызметтің құқықтық реттей.*
4. *Даму институттарының тұрақты жұмыс істеуіне негізделген қағидаларды атаңыз.*
5. *Шетелдік тікелей инвестиациялар дегеніміз не?*
6. *Инвестициялық климатты бағалау көрсеткіштерін атаңыз.*
7. *Инвестицияларды мемлекеттік қолдаудың мақсаты қандай?*
8. *Инвестициялық климаттың жағымды және жағымсыз факторларын анықтаңыз.*
9. *Инвестициялық салықтың преференция дегеніміз не?*
10. *Инвестициялық преференцияның түрлерін атаңыз.*

3. МЕМЛЕКЕТТИҚ ҚҰРЫЛЫМДЫҚ ИНВЕСТИЦИЯ-ЛЫҚ САЯСАТЫ

3.1

Инвестициялық саясат түсінігі және оның қағидалары

Инвестициялық саясат мемлекеттің экономикалық саясатының бір бөлігі, сонымен қатар, мемлекеттің экономикасына, шаруашылық субъектілерінің кәсіпкерлік қызметіне әсер етуші құрал.

Мемлекеттің инвестициялық саясаты – бұл инвестициялық қызметті жандандыру, экономиканы көтеру, өндірістің тиімділігін арттыру, әлеуметтік мәселелерді шешу және басқа да әр түрлі жағдайларды жасау бойынша шаралар жиынтығы.

Мемлекеттің инвестициялық саясаты арқылы өндіріс саласын кеңейтуге, ғылыми-техникалық прогрессі жеделдетуге, қоғамдық өндіріс құрылымын өзгертуге және басқа да көптеген әлеуметтік мәселелерді шешуге болады. Соңдықтан да, инвестициялық саясат бюджет тапшылығын болдырмауға, орталықтандырылған инвестиция көздерін қысқартуға, керісінше орталықтандырылмаған көздер есебінен инвестицияларды қаржыландыруға бағытталуы тиіс. Себебі, еліміздің өндірістік әлеуеттің өсуі, еркін экономикалық аймақтардың дамуы, экологиялық мәселелердің шешілуі, өндірістік материалдардың және рухани игі көздер көлемінің ұлғаюы және сапалы болуы, сонымен қатар нарықтық инфрақұрылымның жеке дамуы осы инвестициялық саясатқа тікелей байланысты болып келеді.

Инвестициялық саясатты бірнеше түрге бөліп қарастыруға болады:

- амортизациялық саясат;
- ғылыми-техникалық саясат;
- шетел инвестицияларын тарту бойынша саясат;

- салық саясаты.

Амортизациялық саясат – мемлекет амортизациялық аударымдарды есептеу мен пайдалану тәртібін бекіте отырып, ұдайы өндіріс жылдамдығын және сипатын реттеуі.

Амортизациялық саясаттың жүргізу барысында мемлекет келесідей қағидаларға сүйенеді:

- инфляция жағдайында негізгі қорлардың қайта бағалануы (дұрыс және уақытында жүргізілуі);
- амортизация нормалары негізгі қорлардың функционалдық мағынасына байланысты әр түрлі болуы және олардың моралдық, физикалық тозуы дұрыс есептелуі тиіс;
- амортизация нормалары тек жай өндіріске ғана емес, сонымен қатар ұдайы өндірісті кеңейтуге арналуы тиіс;
- амортизациялық саясат негізгі қорларды жаңартуға және ғылыми-техникалық прогресті жеделдетуге жағдай жасауы тиіс.

Мемлекеттің ғылыми-техникалық саясаты – ғылыми-техниканың дамуы және олардың нәтижелерін халық шаруашылығына енгізетін шаралар жүйесі.

Инвестициялық саясат ғылыми-техникалық саясатпен өте тығыз байланысты. Ғылыми-техникалық үдерісті жеделдету экономикалық өсудің негізгі факторы болып табылады және мемлекетті индустріалды мемлекетке өзгеруіне мүмкіндік береді. Мысалы, Жапонияның қысқа мерзімде әлемдегі алдыңғы қатарлы мемлекет болуына екінші дүниежүзілік соғыстан кейінгі кезеңдердегі ғылыми-техникалық прогресті жеделдетуі және мемлекет саясатының дұрыс жүргізілуімен байланысты.

Шетел инвестицияларын тарту бойынша саясат – қолайлы инвестициялық климат құру арқылы мемлекетке шетел инвестициясын тарту болып табылады.

Қазақстан өзінің шетел инвестицияларын тарту бойынша саясатында инвесторлармен қарым-қатынаста тұрақтылық және ашықтық қағидаларын, инвесторлардың мұddeлерін қорғау, жергілікті және шетел инвесторлары үшін тендей жағдай жасау, жасалған келісім-шарттардың тұрақтылық қағидаларын жетік қарастырған.

Салық саясаты – белгілі бір женілдіктер беру арқылы инвестициялық саясатқа әсер ету, сонымен қатар салықтық және кедендік баж салығы бойынша ынталандыру мен женілдіктер беру болып табылады.

Сонымен қатар, инвестициялық жобаны іске асыруға қажетті импорттық құрал-жабдықтар, шикізаттар және басқа да материалдар кеден бажынан жартылай босатылған.

ҚР Елбасының экономиканы орнықты дамытудың іргетасы ретінде экономиканы одан әрі жаңғырту және әртараптандыру бойынша жолдауына сәйкес салық жүйесінің ынталандыруши сипатын күшайту бағытында өзгерістер енгізілді.

Елімізде ЭЫДҰ елдерінің үздік стандарттарына және тәжірибелеріне сәйкес инвестициялық климатты құрудың іргелі жолдарын жүзеге асырылуда.

«Қазақстан Республикасының Кәсіпкерлік кодексіне» сәйкес инвесторларға экономиканың басым салаларында келесідей инвестиациялық женілдіктер мен преференциялар қарастырылған:

- инвестиациялық жобаны іске асыруға қажетті жабдықтарды, компоненттерді, шикізатты және қосалқы бөлшектерді әкелу кезіндегі кедендік баждарды төлеуден босату;
- мемлекеттік заттай гранттар (жер участкелері, ғимараттар, құрылыштар, машиналар және құралдар, есептеуіш техникасы, өлшеттік және реттеуші аспаптар мен жабдықтар, женіл автокөліктен басқа көлік құралдары, өндірістік және шаруашылық құрал-жабдықтары).

Қосымша 2 млн АЕК-тен (13 млн АҚШ доллары шамасында) кем емес және экономиканың басым секторларында іске асырылып жатқан инвестиациялық жобалар бойынша мемлекеттік пен жеке инвестиациялық келісім-шарт жасасу мүмкіндігіне сәйкес инвесторға жаңа ынталандыру жиынтығы қол жетімді:

- КТС және жер салығы (10 жыл) және мүлік салығы (8 жыл) бойынша салықтық (10 жыл), женілдіктер;
- салықтық мөлшерлемелердің (ҚҚС пен акциздерден басқа), экологиялық алымдар мен төлемдердің 10 жыл мерзімге тұрақтылығы;

- инвестициялық субсидия – инвестордың 30% дейінгі капиталды шығындарының өтемақысы;
- жобаларды іске асыру үшін шетелдік жұмыс күшін тартуды оңайлату.

Қазақстандағы инвестициялық қызмет барысында туындайтын шетелдік инвесторлардың проблемалық мәселелерін жедел шешу мақсатында диалог алаңдары құрылып, ҚР Президентінің жанындағы Шетелдік инвесторлар кенесі, ҚР-ның Премьер-Министрі жанындағы Инвестициялық климатты жақсарту жөніндегі кенес табысты қызмет атқаруда. ҚР-да инвестициялық қызметті жүзеге асыратын инвесторлардың құқықтары мен заңды мүдделерін қоргауды қамтамасыз ету мақсатында Инвестициялық Омбудсмен институты құрылды. Ол инвесторлар мен мемлекет арасындағы инвесторлардың соттан тыс және сотқа дейінгі тәртіптегі ағымдағы мәселелерін шешу үшін олардың өзара әрекеттесу платформасы ретінде қызмет етеді.

«Салық және бюджетке төленетін басқа да міндетті төлемдер туралы» ҚР-ның Кодексін (Салық кодексі) қолданысқа енгізу туралы ҚР-ның Заңы 2017 жылғы 25 желтоқсандағы № 121-VI ҚР заңына сәйкес ҚР-ның инвестициялар туралы заңнамасына сәйкес 2009 жылғы 1 қаңтарға дейін инвестициялар жөніндегі уәкілетті мемлекеттік органмен жасалған келісім-шарттар бойынша инвестициялық салық преференциялары 2009 жылғы 1 қаңтарға дейін қолданыста болған ҚР-ның заңнамасына сәйкес айқындалған олардың қолданылу мерзімі өткенге дейін сакталады деп белгіленді.

ҚР-ның инвестициялар туралы заңнамасына сәйкес 2018 жылғы 1 қаңтарға дейін инвестициялар жөніндегі уәкілетті мемлекеттік органмен жасалған инвестициялық стратегиялық жоба бойынша салық преференциялары 2018 жылғы 1 қаңтарға дейін қолданыста болған ҚР-ның заңнамасына сәйкес айқындалған олардың қолданылу мерзімі өткенге дейін сакталады деп белгіленді.

ҚР-ның инвестициялар туралы заңнамасына сәйкес 2018 жылғы 1 қаңтарға дейін инвестициялар жөніндегі уәкілетті мемлекеттік органмен жасалған инвестициялық басым жоба

бойынша ҚР-ның салық заңнамасы тұрақтылығының кепілдігі 2018 жылғы 1 қаңтарға дейін қолданыста болған Қазақстан Республикасының заңнамасына сәйкес айқындалған олардың қолданылу мерзімі өткенге дейін сақталады деп белгіленді.

Мұның бәрі экономиканың шикізаттық емес секторын дамыту және оны әртаратандыру үшін шынайы ынталандыруға арналған. Бұл жеңілдіктер жойылмай және салық салынатын база кеңейтілмей, салықтық жүктемені азайту есебінен ғана іске асырылады.

Жалпы дамыған елдердің салық саясаты экономикаларды жаһандандыру және салықтық бәсекені қүшету жағдайларында капиталдан алынатын кіріске салық салуды төмендету үрдісімен, салық салу ауырпалығының неғұрлым аз объектілерді тұтынуымен материалдық меншікке ауыстырылумен сипатталады.

Салық саясатын одан әрі дамыту оның халықаралық бәсекеге қабілеттілігін арттыруға және оның жаһандық үдерістердің қыр көрсетулерінің тиімділігіне бағытталады.

Салық саясатын жетілдірудің *негізгі бағыттары* келесілер:

- салық салудың қолданыстағы жүйесін талдау және бағалау негізінде әлемдік тәжірибелі ескере отырып, экономика секторларында қолданыстағы жеңілдіктер мен преференцияларды қайта қарау және тиімсіз жеңілдіктерді, өз мақсаттарына жұмсалатын жеңілдіктерді, сондай-ақ салық жүйесінің тарапсыздығын бұзатын жеңілдіктерді жою жөнінде ұсыныстарды тұжырымдау;
- кәсіпкерлік орта үшін маңыздылардың бірі болатын корпорациялық табыс салығын азайту;
- халықтың әлеуметтік бөлігіне жүктеме деңгейін сақтауды ескере отырып, орта мерзімді кезеңде салық ауырпалығын заңды тұлғалардың кірісінен жеке тұлғалардың кірісіне кезең-кезеңімен қайта бөлу жөніндегі ұсыныстарды тұжырымдау;
- инвестициялық преференцияларға қол жетімділікті оңайлату;
- салықтық және кедендік ресімдерді одан әрі оңайлату, сондай-ақ олардың ашықтығын арттыру.

Бұл бағыттар Қазақстанның халықаралық деңгейдегі салықтық бәсекеге қабілеттілігін арттыруға, экономиканың шикізаттық емес секторы қызметінің тиімділігін арттыруға мүмкіндік береді.

Инвестицияларды мемлекеттік қолдау шараларын ұсынудың қолданыстағы тетігі бірқатар маңызды басымдықтарға ие. «Инвестициялар туралы» Қазақстан Республикасының заңында тең дәрежеде отандық та, шетелдік де инвесторларды қолдау мен ынталандыру көзделген, инвестициялық преференцияларды беру тәртібі женілдетілген, оған сәйкес инвестициялық преференциялар беруге арналған өтінішді қарau мерзімі елеулі қысқартылған (30 жұмыс күніне дейін).

Жоғары қосылған құн салығы бар өнімді, жоғары технологиялық өнімді құруға бағытталған компаниялар үшін қажетті жағдайлар жасалған. Жаңа өндірістерді дамытуды ынталандыру, қолданыстағы өндірістерді кеңейту және жаңарту үшін салық кодексінде инвестициялық салықтық преференцияларды беру көзделген, оларды алып салық төлеуші инвестициялық жобаны іске асырумен байланысты корпоративтік табыс салығын, мүлікке салынатын салық пен жер салығын есептеу бойынша салық жағдайларына құқығы бар.

Инвестициялық салықтық преференциялар тіркелген активтерге салынатын инвестициялар көлеміне байланысты белгілінеді, бірақ 5 жылдан аспайтын мерзімге беріледі.

Бұл ретте, қызмет түрлеріне және тіркелген активтерге салынатын инвестициялар көлеміне байланысты корпоративтік табыс салығы бойынша преференциялардың қолданылу мерзімі Қазақстан Республикасы Үкіметінің шешімі бойынша 10 жылға дейін ұзартылған.

Айрықша тәртіп бюджетке төленуге тиісті қосылған құн салығы сомасын 50%-ке азайтуды білдіреді.

Бұл өзгерістер бизнеске салынатын салық ауыртпалығының деңгейін төмендетуге мүмкіндік береді және компанияларға тауарлар өндіру мен қызметтерді көрсетуге, айналым капиталын толықтыруға, негізгі қорларды жаңартуға инвестиция жасау үшін қосымша қаржылық мүмкіндіктер береді.

Инвестициялық саясаттың негізгі мақсаты – отандық экономиканың өсуіне және қоғамның өндіріс тиімділігін көтеруге бағытталған инвестициялық қызметті белсендендіру болып таылады.

Мемлекеттік инвестициялық саясаттың қағидалары келесідей анықталған:

- инвестициялық басымдықты таңдау;
- экономикалық мақсаттағы сәйкестік және қауіпсіздіктің болуы;
- инвестицияларды қаржыландыру көздерінің көптігі және жеке капитал рөлінің өсуі;
- бюджеттік қаржы қайтарымдылығының жоғары болуы, яғни инвестицияларды қайтарымсыз бюджеттік қаржыландырумен несиелеу және қарыз беру;
- әлеуметтік-экономикалық тиімділік пен қайтарымдылықтың болуы;
- меншіктің түрлі формаларының дамуы негізінде инвестиациялық саланы орталықсыздандыру;
- инвестициялық белсенділікке экономикалық және ұйымдастыруышылық ықпал етуді қолдану.

Сондай-ақ инвестициялық саясаттың міндеттері деп келесілерді атап өттеге болады:

- қаржы-несие саласын түрлендіру, инфляцияға қарсы шараларды жүзеге асыру және төлемсіздік дағдарысын шешу;
- бәсекеге қабілетті экономикалық ортаны құру;
- құрылымдық қайта құруды жүзеге асыру және тиімді ұлттық экономиканы құру;
- жоғары технологияларды енгізу негізінде өндірісті жетілдіру;
- нарық инфрақұрылымының дамуы және институционалдық түрлендіру;
- инвестициялық климатты жақсарту және қор нарығын дамыту мақсатында заң шығаруды жетілдіру;
- салық жүйесін, несиelerді, кеден, баж салықтарын пай-

далана отырып, инвестициялық белсенділікті экономикалық реттеудің жаңа және нарықтық әдістерін енгізу.

Мемлекеттік инвестициялық саясаттың *стратегиялық маңыздылығы* экономикалық өсудің нақты, тұрақты және үдемелі қарқынын, прогрессивті құрылымдық жылжуды, өндірістің модернизациясын қамтамасыз ете алатын, әлеуметтік мәселелерді және елдің экономикалық қауіпсіздігі мәселесін шеше алатын инвестициялық ресурстарды күру мен тиімді пайдалану үшін үйымдастырушылық-экономикалық және нормативтік құқықтық жағдай туғызы болып табылады.

Инвестициялық саясаттың құрылымы келесілерден тұрады:

- салықтар және салықтық женілдіктер;
- несие саясаты;
- кәсіпорындар мен үйымдардың инвестициялық қызметін реттеу формалары мен құралдарын таңдаудағы банктің функцияларын көңейту;
- амортизациялық саясат;
- монополияға қарсы шаралар;
- инвестициялармен танысу;
- орталықтандырылған инвестициялау;
- жер мен жер қойнауы ресурстарын пайдалану шарттары;
- бағалы қағаздар шығару және олардың айналымы.

Инвестициялық белсенділікті ынталандыру тетігі салықтық, бюджеттік және қаржы-несиелік реттеу құралдарының жиынтығына ие болуы және экономиканы инвестициялау үшін қажетті қаржыны көбейтуге ықпал етуі.

Инвестициялық саясаттың жүргізуудің бағыттары:

- халық қажеттілігін қанағаттандыру үшін өндірісті оңтайландыру;
- қоршаған ортага зиян келтірмеу жағдайында табиғи ресурстарды аз мөлшерде пайдалану.

Инвестициялық саясаттың құрылымдық элементтері:

- инвестицияны қаржыландыру көздері мен әдістерін таңдау;

- инвестициялық саясатты жүзеге асыратын органдардың болуы;
- инвестиция нарығында қызмет ету үшін қажетті нормативтік-құқықтық негізді салу;
- инвестиция тарту үшін жағымды жағдайлар жасау.

Инвестициялық саясаттың тиімділігі инвестициялық климатты жағымды жаққа қарай өзгерту дәрежесімен анықталады.

Қазақстанның әлемдегі бәсекеге қабілетті 30 елдің қатарына енүі үшін жана инвестициялық толқынның берері мол. Қазіргі уақытта Қазақстан шетелдік инвестицияның адам басына шаққандағы түсімі бойынша ТМД елдері арасында ең алдынғы орынды иемденіп отыр. Экономикалық үдерістерді басқару қағидасының жүйесі Қазақстанның инвестициялық саясатының үлкен басымдылықтарына ие екендігін көрсетеді.

3.2 || Мемлекеттің инвестициялық саясатты жүзеге асыру бағыттары

Мемлекеттің экономикалық және әлеуметтік дамуына бағытталған инвестициялық саясатты жүргізу инвестициялық бағдарламаларға сәйкес; мемлекеттік инвестицияларды, бюджеттік қаржы бөлүлерді және бюджеттен тыс қорды тікелей басқаруда; сараланған проценттік мөлшерлемелер мен жеңілдіктерді енгізуде; экономиканың нақты жағдайына қатысты өлшенген қаржылық бага (мемлекеттік секторда), сонымен қатар несие саясатын жүргізуде; инвестициялық жобаларды тиісінше сараптау жағдайларында жүзеге асырылады.

Мемлекетаралық масштабтағы құрылымдық-инвестициялық саясаттың басты бағыттары:

- экономиканың мемлекетаралық интеграциясы (Еуразиялық одак);

- инвестициялық саясатты жасау және жүзеге асырудағы ынтымақтастықты ұйымдастыру;
- шаруашылықтың нарықтық жағдайында келісілген өзара байланысты құрылымдық-инвестициялық саясатты қайта құру;
- тәуекелдерден инвесторларды қорғау (кепілдемелер, сақтандыру және т.б.).

Инвестициялық саясатты жүргізудің алғышарты ретінде 1997 жылы 28 ақпандан «Тікелей инвестицияларды мемлекеттік қолдау туралы» ҚР-ның заңы қабылданды. Бұл заң мемлекеттегі тікелей инвестицияларды мемлекеттік қолдау үдерісіндегі пайда болатын қатынастарды реттеді. Сонымен қатар, шетел инвесторларының құқығын және ҚР-ның аумағында инвестициялық қызметті ұйымдастыруға қойылатын талаптарды бекітті. Тікелей инвестицияларды *мемлекеттік қолдаудың құрылымын* келесідей қарастыруға болады:

- инвестициялық қызметті қамтамасыз етудің заңдық кепілдіктері;
- инвестициялық қызметті жүзеге асырумен байланысты белгілі бір женілдіктер немесе артықшылықтар жүйесінің болуы;
- инвесторлардың мұддесін қорғайтын арнайы мемлекеттік органның болуы;
- ҚР Үкіметінің халықаралық ұйымдармен бекіткен келісімдері және белгілі бір нормативтік-құқықтық актілері негізінде саяси тәуекелдерді жабу кепілдігін беруі.

Тікелей инвестицияларды мемлекеттік қолдау экономиканың басынқы секторында жүзеге асырылды. Экономиканың басынқы секторларын ҚР-ның Президенті бекітеді. Осыған сәйкес 1998 жылдың 5 сәуір айында тікелей «Отандық және шетел инвестицияларын тарту үшін ҚР-ның экономикасының басынқы секторларының тізімін бекіту туралы» ҚР Президентінің Жарлығы шыққан.

Жарлықтағы басынқы секторларға жататындар:

- өндірістік инфрақұрылым;
- өндеуші кәсіпорын,

- ірі қалаларға құрылыш объектілері;
- үй ғимараттары;
- әлеуметтік орындар мен туризм объектілері;
- ауыл шаруашылығы.

Инвестициялық үдерістегі мемлекеттің рөлі орталықтандырылған және орталықтандырылмаған салымдардың мемлекеттік саясатын жүзеге асырады. Соңдай-ақ, мемлекеттің функциясы икемді экономикалық саясатты жүргізу, нарықта қаражаттардың қозғалысын реттеу, мемлекеттік бағалы қағаздардың проценттік мөлшерлемесін басқару жолымен инвестициялық үдерісті реттеу болып табылады.

Тікелей отандық және шетелдік инвестицияларды экономиканың басынқы секторларына тартуды ынталандыру, мемлекеттік инвестиацияларды пайдалануды оңтайландыру және оның тиімділігін арттыру мен ішкі жинақтарды жұмылдыру саясаты жалғаса береді береді. Елдің инвестициялық тартымдылығын арттыру және инвестициялық жағдайды жақсарту үшін қолданыстағы нормативтік-құқықтық базаны жетілдіру бойынша жұмыстар жүргізілуде.

Басынқы өндірістердің инвестициялық тартымдылығын арттыру шенберінде мемлекет:

- миноритарлық акционерлердің құқықтарын қорғауды күштейтуге;
- кәсіпорынды тіркеудің жеңілдетілген жүйесін енгізуге;
- қызмет түрлерін лицензиялаудың ашық жүйесін құрға;
- кәсіпорындардың халықаралық қаржылық есептілік стандарттарына көшуін жеделдетуге;
- ұлттық инновациялық жүйені – экономикалық дамуды басқарудың жаңа жүйесін дамыту бойынша жұмыстарды жалғастыруға;
- мемлекеттік даму институттарының жұмысын үйлестіру бойынша іс-әрекетті жандандыруға, олардың қызметінің ашықтығын арттыруға бағытталған шараларды одан әрі қабылдайтын болады.

Қазіргі уақытта бюджеттік инвестициялардың қосымша басынқы секторлары:

- мемлекеттік басқару функцияларын тиімді іске асыруды қамтамасыз ету;
- әлеуметтік секторды дамыту;
- базалық инфрақұрылымды дамыту;
- аграрлық секторды дамытуға жәрдемдесу;
- Астана қаласын дамыту болып табылады.

Сондай-ақ шағын бизнес субъектілеріне несие беру мүмкіндіктерін ұлғайтуға және инновациялық жүйені дамытуға ықпал ететін даму институттары қосымша капиталдандырылады.

Мемлекеттің инвестициялық саясатында кедергінің жоқтығынан шетел инвесторларының – Қазақстанның тек шикізат саласына ғана емес ауыл шаруашылығы, тамақ өнеркәсібі, туризм, телекоммуникация, тау-кен саласы және білім, медицина салаларына да инвестиция салуларына мүмкіндіктері бар.

3.3 || Инвестициялық саясатты жүзеге асырушы органдар

1998 жылдың 8 қарашасында КР Президентінің Жарлығымен КР-ның инвестиция бойынша мемлекеттік Комитеті құрылды. Бұл орталықтандырылған атқарушы орган – тікелей инвестицияларды мемлекеттік қолдау саласында мемлекеттік басқару мен бақылау қызметін атқара бастады. 1999 жылдан бастап ол *КР-ның инвестиция бойынша Комитеті* болып өзгерілді.

КР-ның инвестиция бойынша Комитетінің *негізгі мақсаттары* мемлекеттегі инвестициялық климатты жақсарту, экономикаға тікелей отандық және шетелдік инвестицияларды тартумен қатар, оларды қолдау, инвесторларға инвестициялық жоба-ны дайындау мен жүзеге асыруына көмек беру, инвесторлардың құқықтары мен кепілдемелерін сактау болып табылады. Сондай-

ақ, осы қойылған мақсатқа жету үшін ҚР-ның инвестиция бойынша Комитетінің міндеттері келесілер болып табылды:

- мемлекеттің инвестициялық саясатын дамыту стратегиясын дайындау мен жұзеге асыру;
- инвестициялық климатты жақсартатын шаралар жасау;
- инвесторлармен өзара байланыстың тиімді жүйесін құру және инвесторлардың құқықтары мен қызығушылықтарын қорғау;
- тікелей инвестицияларды тарту мен пайдалану бойынша жұмысты үйымдастыру;
- Қазақстанның инвестициялық мүмкіндіктері туралы жарнамалық, ақпараттық акцияларды жүргізу.

Комитеттің келесідей функциялары бар:

- ҚР-на тікелей инвестицияларды тарту бойынша шараларды үйымдастыру;
- инвестициялық жобаларды іске асыру бойынша ҚР-ның мемлекеттік органдары қызметтерін шоғырландыру;
- әрбір инвестициялық жобаны іске асыруға құқық беретін құжаттарды, лицензияларды, визаларды берумен қамтамасыз ету;
- бекітілген инвестициялардың ҚР-да сапалы қызметтерді және тауарларды жүргізуіне көмек көрсету;
- инвестициялық жобалардың жұзеге асырылуына бақылау жасау.

Осы функцияларды орындауда Комитеттің келесідей өкілеттіктері (құқығы) бар:

- орталық және жергілікті атқарушы органдардан қажетті ақпараттарды алу және сұрау;
- келісім-шартқа сараптама жүргізу мен оны әзірлеу үшін тиісті мемлекеттік органдардың мамандарын, сондай-ақ басқа да елдерден кеңесшілері мен сараптама жүргізушилерін тарту және сырттан шақырту;
- іске асырылатын инвестициялық жобаға шетелдік инвесторлардың қатысуын ынталандыру мақсатында орталық

- және жергілікті органдармен шетелдегі дипломатиялық қызметті үйлестіру;
- келісім-шарттарды өзірлеуге, оларды іске асырумен байланысты мәселелер бойынша министрліктердің, өзге де өкілетті ұйымдардың орындалу үшін қауылар шығару.

Комитет қызметінің негізгі бағыттарының бірі – инвестицияларды мемлекеттік қолдау бойынша шараларды іске асыру. Ол инвесторларға инвестиациялық преференциялар беретін, келісім-шарттарды жасайтын, экономика секторына салынған инвестиацияларды жүзеге асыратын үәкілетті орган болып табылады.

Біріншіден, преференциялар салықтық және кедендік түрде беріледі.

Екіншіден, ҚР-ның шикізаттық емес секторына инвестиацияларды тарту мақсатында шетелдік компаниялармен келіссөз дер ұйымдастыру және олармен мемлекеттік институттардың қарым-қатынасын дамытуды өзара үйлестіру ісі де осы Комитетке жүктелген.

Үшіншіден, бұл Комитет ҚР Президенті жаңындағы Шетел инвесторлары Кеңесінің қызметін қамтамасыз ететін оның жұмыс органы болып табылады, ал Кеңестің өзі кеңес беруші орган ретінде Қазақстанда жұмыс істейтін инвесторлармен тікелей сұхбатты қамтамасыз етеді, сондай-ақ инвестиациялық қызметке байланысты проблемалық мәселелерді шүғыл шешу мақсатында Мемлекет басшысының 1998 жылғы 30 маусымындағы Жарлығымен құрылған. Комитет инвестиацияларға арналған шарттардың бірыңғайлылығы мен әділдігін қамтамасыз етеді, мемлекеттердің экономикалық ынтымақтастырын нығайту және инвестиациялық бастамаларды ынталандыру сияқты мәселелермен айналысады.

Инвестиция саласындағы мемлекеттік саясаттың қолданыстағы тетігі ҚР Президентінің жаңындағы Шетелдік инвесторлар кеңесі және соған ұқсас ҚР Президентінің жаңындағы кәсіпкерлер кеңесі болып табылады. Бұл аталған Кеңестер бюрократиялық кедергілерді жою, саясатқа импортты алмастыруға ықпал ету, жұмыс қолын тарту мен пайдалану саласында

құқықтық базаны жетілдіру, мамандандырылған экономикалық соттарды қолдану аясын кеңейту мен сот жүйесін жетілдіре түсү бағыттарын қарастырады.

Президент жаңындағы Шетелдік инвесторлар кеңесі ҚР Конституциясының 44-бабының 20-тармақшасына сәйкес, ҚР Президентінің 1998 жылғы 30 маусымдағы № 3985 Жарлығымен құрылды.

Шетелдік инвесторлар кеңесі және Кәсіпкерлер кеңесі ҚР Президентінің жаңындағы *консультативтік-кеңесші* органдар болып табылады.

Шетелдік инвесторлар кеңесінің негізгі міндеттері:

- ҚР-ның инвестициялық саясатының негізгі бағыттарын айқындау;
- ҚР-дағы инвестициялық ахуалды жақсарту;
- ҚР-ның инвестициялар туралы нормативтік құқықтық базасын жетілдіру;
- ҚР-ның экономикасын әртараптандыруға, өнеркәсіптік секторын индустрящандыруға, шағын және орта бизнесін дамытуға шетелдік компаниялардың жәрдемдесуі;
- ҚР-ның экономикасын әлемдік экономикалық процестерге интеграциялау;
- ҚР-ның экономикасына шетелдік инвестицияларды тарту стратегиясы;
- ҚР-ның халықаралық маңызы бар ірі инвестициялық бағдарламалары мен жобаларын іске асыру мәселелері бойынша ұсынымдар мен ұсыныстар әзірлеу болып табылады.

ҚР-ның Президенті *Шетелдік инвесторлар кеңесінің төр-ағасы* болып табылады.

ҚР Президентінің жаңындағы Кәсіпкерлер кеңесі қызметтінің құқықтық негізін ҚР-ның Конституциясы, заңдары, ҚР Президентінің актілері, ҚР-ның өзге де нормативтік құқықтық актілері құрайды.

Кәсіпкерлер кеңестің негізгі міндеттері:

- елді дамыту үшін отандық ірі бизнестің әлеуетін жұмылдыру;

- отандық инвестицияларды пайдалану мен қоргаудың негізгі бағыттарын айқындау болып табылады.

Кәсіпкерлер кеңесінің міндеттеріне сәйкес келесідей *негізгі функциялары* бар:

- іскерлік белсенділікті ынталандыру және отандық инвесторлар үшін қолайлы жағдайлар жасау жөніндегі шараларды айқындау;
- экономиканың құрылымдық реформалары жөніндегі ұсыныстарды тұжырымдау.

Кәсіпкерлер кеңесінің жүктелген міндеттерді іске асыру және өз функцияларын орындау үшін келесідей *құқықтары* бар:

- инвестицияларды тарту, кәсіпкерлікті және жаңа технологияларды дамыту мәселелерін қарауға;
- қаралған мәселелер бойынша шешім қабылдауға, олар хаттамалармен ресімдеуге;
- қажет болған жағдайда өз жұмысына қатысу үшін мемлекеттік органдардың, сондай-ақ басқа да ұйымдардың басшыларын шакыруға құқықтары бар.

Кәсіпкерлер кеңесінің Кеңес жұмысын ұйымдастыруда ҚР-ның Президенті *Кеңестің төрағасы* болып табылады.

Кәсіпкерлер кеңесінің құрамына мемлекеттік органдардың басшылары мен өзге де лауазымды тұлғалары, сондай-ақ отандық ірі бизнес өкілдері кіреді. Дербес құрамын ҚР-ның Президенті бекітеді.

Кәсіпкерлер кеңесінің отырыстары қажеттігіне қарай жылына кемінде бір рет, Кеңес төрағасы айқындаған мерзімде өткізіледі. Кеңес мүшелері оның отырыстарына алмастыру құқығының қатысады. Кеңестің шешімдері ҚР Президентінің, ҚР Үкіметінің, Премьер-Министрінің, орталық атқарушы және өзге де мемлекеттік органдардың актілерін шығару арқылы іске асырылуы мүмкін.

Бұлармен қатар, инвестициялық ахуалды жақсартумен байланысты жүйелі мәселерді шешу үшін ҚР Премьер-Министрінің төрағалығымен *Инвестициялық ахуалды жақсарту жөніндегі кеңес* белсенді қызмет етеді. Бұл кеңес ҚР Үкіметінің 2012 жылғы 1 наурыздағы № 275 қаулысымен құрылған.

Инвестициялық ахуалды жақсарту жөніндегі кеңестің ережесіне сәйкес оның *негізгі мақсаттары* отандық және шетелдік инвестицияларды тартуда және тиімді пайдалануда жәрдемдесу, сондай-ақ өз қызметі барысында Қазақстанда кездесетін курделі мәселелерді шешуде инвесторларларға қолдау көрсету болып табылады.

ҚР-ның Инвестициялар және даму министрлігі Кеңестің жұмыс органы болып табылады, ол Инвестициялық ахуалды жақсарту жөніндегі кеңес жұмысын ұйымдастырушылық-техникалық қамтамасыз етуді жүзеге асырады, оның ішінде Кеңес отырысының құн тәртібі бойынша ұсыныстарды, қажетті құжаттарды, материалдарды дайындауды.



БАҚЫЛАУ СҮРАҚТАРЫ

1. *Мемлекеттің инвестициялық саясаты дегеніміз не?*
2. *Инвестициялық саясат түрлерінің ерекшелігін анықтаңыз*
3. *Амортизациялық саясат дегеніміз не?*
4. *Мемлекетаралық масштабтагы құрылымдық-инвестициялық саясаттың басты бағыттары*
5. *Тікелей инвестицияларды мемлекеттік қолдаудың құрылымы*
6. *Инвестициялар бойынша Комитет қызметінің негізгі мақсаты қандай?*
7. *Инвестициялар бойынша Комитет қызметінің міндеттері?*
8. *Инвестициялар бойынша Комитеттің функциялары қандай?*
9. *Инвестициялар бойынша Комитет қызметінің өкілеттілігі?*
10. *Инвестициялар бойынша Комитет қызметінің негізгі бағыттары қандай?*
11. *ҚР Президенттің жасындағы шетел инвесторларының Кеңесінің қызметі қандай?*
12. *ҚР Президенттің жасындағы Шетелдік инвесторлар кеңесінің негізгі мақсаты қандай?*
13. *ҚР Президенттің жасындағы Қасіпкерлер кеңесінің негізгі мақсаты қандай?*

4. ҚАЗАҚСТАНДАҒЫ ҚАРЖЫЛЫҚ ИНСТИТУТТАР-ДЫҢ ИНВЕСТИЦИЯЛЫҚ ҮДЕРІСТІ КЕҢЕЙТУДЕГІ РӨЛІ

4.1

Инвестициялық нарықтағы қаржылық институттардың орны мен рөлі

Инвестициялық нарық кең мағынада ел экономикасын қажетті қаражатпен қамтамсыз етудің тетігін білдіреді. Осы мәселені шешу үшін қаржылық институттардың орны мен мәні зор. Олар қаржы нарығында инвестордың мұддесін қорғау мақсатында және ақша қаражаттарды тарту есебінен, әрі осы ақша-қаражаттарды тартуды әртаратпандыруды ескере отырып, инвестицияның есебінен тәуекелді азайту мақсатында жұмыс істейді.

Атқаратын қызметіне қарай қаржылық институттарды келесідей жіктеуге болады:

- реттеуші;
- инвестициялық-коммерциялық;
- арнаиы мамандандырылған;
- кепілдендіруші;
- кәсіби;
- даму институттары.

Реттеуші қаржылық институттар – қаржылық үйымның қаржы нарығындағы субъектілерінің қызметін реттеу, бақылау және қадағалауды жүзеге асыратын қаржылық институттар. Оларға ҚР Ұлттық банкі, өзін-өзі реттеуші үйымдар жатады.

Инвестициялық-коммерциялық қаржылық институттар – тиісті заңды негізге ала отырып, белгілі мөлшерде пайда табу мақсатында инвестициялық, сақтандыруышы, қаржы-несиелік, жинақтаушы қызметтерді жүзеге асыратын қаржылық институт-

тар немесе институционалды инвесторлар. Оларға коммерциялық банктер, жинақтаушы зейнетакы қорлары, сақтандыру үйымдары және инвестициялық қорлар жатады.

Кепілдендіруші қаржылық институттар – субъектілердің салымдарын, төлемдерін кепілдендіруді және қайта қаржыландыруды жүзеге асыратын қаржылық институттар. Оларға ипотекалық несиелерді кепілдендіру қоры, депозиттерді кепілдендіру қоры, сақтандыру төлемдеріне кепілдендіру қоры, және т.б. жатады.

Арнайы мамандандырылған қаржылық институттар – бұлар үәкілетті органның лицензиясы негізінде қаржы-несиелік қызметтердің шектеулі түрлерімен айналысатын қаржылық институттар. Оларға несиелік серіктестіктер, микронесиелік үйымдар, несиелік бюролар, ломбардтар, пошта-жинақ жүйелері және т.б. жатады.

Кәсіби қаржылық институттар – бағалы қағаздар нарығындағы қызметті жүзеге асыратын және қызметі міндепті түрде лицензияланатын қаржылық институттар. Оларға кор биржасы, брокер-дилерлік компаниялар, тіркеушілер, кастодиандар, депозитарий және т.б. жатады.

Даму институттары – бұлар ҚР-ның индустріалды-инновациялық стратегиясын жүзеге асыру мақсатында құрылған институттар болып табылады. Даму институттары мемлекеттік инвестициялық қызметтің тиімділігін жетілдіру және арттыру үшін еліміздің экономикасына сыртқы және ішкі инвестицияларды тартуға септігін тигізу мақсатында құрылды. Оларға Ұлттық даму институттарының және индустріалды-инновациялық қызметті мемлекеттік қолдау шараларын іске асыруға үәкілеттік берілген, дауыс беретін акцияларының (жарғылық капиталға қатысу үлестерінің) елу және одан көп проценті тікелей немесе жанама түрде мемлекетке тиесілі өзге де занды тұлғалар жатады:

1. Индустріяны дамыту саласында:

- «Қазақстандық индустріяны дамыту институты» акционерлік қоғамы.

2. Технологиялық даму саласында:

- «Технологиялық даму жөніндегі ұлттық агенттік» акционерлік қоғамы;
 - «Инжиниринг және технологиялар трансферті орталығы» акционерлік қоғамы.
3. Жергілікті қамтуды дамыту саласында:
- «Жергілікті қамтуды дамытудың ұлттық агенттігі «NADLoC» акционерлік қоғамы.
4. Инвестициялар тарту саласында:
- «KAZNEX INVEST» экспорт және инвестициялар ұлттық агенттігі» акционерлік қоғамы.
5. Экспортты дамыту және ілгерілету саласында:
- «ҚазЭкспортГарант» экспорттық-несиелік сақтаңдыру корпорациясы» акционерлік қоғамы;
 - «KAZNEX INVEST» экспорт және инвестициялар ұлттық агенттігі» акционерлік қоғамы.
6. Индустримальық-инновациялық қызмет субъектілеріне қолдау көрсету саласында:
- «Қазақстан инвестициялық қоры» акционерлік қоғамы;
 - «Қазақстан Даму Банкі» акционерлік қоғамы.
7. Технологиялық даму саласында:
- «Астана Innovations» акционерлік қоғамы;
 - «Зерде» ұлттық инфокоммуникация холдингі» акционерлік қоғамы;
 - «Ұлттық аграрлық ғылыми-білім беру орталығы» коммерциялық емес акционерлік қоғамы;
 - «Қ.И. Сәтбаев атындағы Қазақ ұлттық техникалық зерттеу университеті» коммерциялық емес акционерлік қоғамы;
 - «Даму» кәсіпкерлікті дамыту қоры» акционерлік қоғамы;
 - «Электр энергетикасын дамыту және энергия үнемдеу институты (Қазақэнергиясараптама)» акционерлік қоғамы және т.б.

4.2

|| Қазақстан Даму Банкінің қызметі және инвестициялық жобаларды несиелеуі

«Қазақстан Даму Банкі» АҚ – 2001 жылдың мамырында ҚР Президенттің «Қазақстан Даму Банкі туралы» 2000 жылғы 28 желтоқсандағы № 531 Жарлығы негізінде «Қазақстан Даму Банкі туралы» ҚР-ның заңы шығарылды. Осы заңға сәйкес ерекше құқықтық мәртебесі бар Қазақстан Даму Банкі құрылды.

Қазақстан Даму Банкі Қазақстан Республикасы Әділет министрлігінің Тіркеу қызметі комитетінде 2001 жылғы 31 мамырда жабық акционерлік қоғам формасында тіркелді және 2003 жылғы 18 тамызда Қазақстан Республикасы заңнамасының талаптарына сәйкес акционерлік қоғам формасында қайта тіркелді.

2006 жылдан бері банктің жалғыз акционері «Қазына» орнықты даму қоры» АҚ ұлттық басқарушы компаниясы болып табылды. «Қазына» ОДҚ» АҚ-ның негізгі қызметі экономиканы әртаратандыру міндетін шешуші даму институттарын тиімді корпоративтік басқару жолымен инвестиациялық және инновациялық белсенділікті арттыру және ынталандыру болды.

«Қазақстан Даму Банкі» АҚ – бұл ел экономикасына инвесторларды тартуға қолдау жасау және өндеуші өнеркәсіпперге, өндірістік инфрақұрылымның дамуына мемлекеттік инвестиациялық қызметтің тиімділігін жогарылату және жетілдіру мақсатында құрылған қаржылық институт.

Миссиясы – еліміздегі шикізаттық емес секторларға инвестицияларды жүзеге асыру арқылы ұлттық экономикамыздың тұрақты дамуына үлесімізді қосу.

Мақсаты:

- мемлекеттік инвестиациялық қызметтің тиімділігін жетілдіру мен арттыру;
- өндірістік инфрақұрылым мен өндеуші өнеркәсіппі дамыту;

- елдің экономикасына сыртқы және ішкі инвестиияларды тартуға көмектесу.

Қазақстан Даму Банкінің міндеттері:

- инвестициялық жобаларға орта мерзімді (5 жылдан 10 жылға дейін) және ұзақ мерзімді (10 жылдан – 20 жылға дейін) несие беру;
- қазақстандық өнімді жеткізуші резидентке де, Қазақстанның өнімді сатып алушы резидент еместерге де қарыздарды беру жолымен бірлесіп қаржыландыру, сондай-ақ экспорттық операцияларға несие беру;
- басқа несие институттары беретін қарыздар мен несиелер бойынша кепілдік берілген міндеттемелерді беру, сондай-ақ бірлесіп қаржыландыру жолымен Қазақстан Республикасы экономикасының өндірістік секторына несие беруді ынталандыру;
- Қазақстан Республикасының Үкіметі іске асыратын инвестиациялық жобаларды қаржыландырудың тетіктерін жетілдіру;
- экономикаға тікелей инвестициялар тарту;
- экономиканың басым секторларындағы жобаларды қаржыландыру.

Құралдары:

- инвестиациялық жобаларға арналған қарыздар (несиeler) – 5 жылдан 20 жылға дейін, ең аз сома 5 млн АҚШ доллары;
- қаржылық лизинг – 3 жылдан 20 жылға дейін, ең аз сома 1 млн АҚШ доллары;
- экспорттық мәмілелерге арналған қарыздар (несиeler) – 1 жылдан 3 жылға дейін, ең аз сома 1 млн АҚШ доллары;
- жобалық қаржыландыру;
- кепілдіктер шығару;
- мемлекеттік жобаларға агенттік қызмет көрсету;
- капиталға қатысу;
- мезониндік қаржыландыру;
- банкарлық несиелеу;

- айналымдық капиталды қаржыландыру.

«Қазақстан Даму Банкі» өз қызметін 2001 жылдың 1 сәуірінен бастаған. Экономикалық қызметтің жалпы жіктелінуіне сәйкес Даму Банкін несиелеу үшін оның инвестициялық салалары болып келесілер саналады:

- ауыл шаруашылық өнімдерін өндізу;
- тігін өндірісі;
- химиялық өнеркәсіп;
- машина жасау және құралдарды өндізу;
- көлік және байланыс;
- тас және суды, электр энергияны тарту және өндізу.

Қазақстан Даму Банкі бүгінгі күнде мемлекеттік инвестиациялық саясаттың ең басты жолсеріктерінің бірі болып табылады. Өнеркәсіптің шикізатқа жатпайтын салаларында бәсекеге қабілетті өндірістер құруды қаржыландырып және елдің инфрақұрылымын дамыта отырып, Банк Қазақстан экономикасының тұрақты дамуына тікелей ықпал етеді.

Қазақстан Даму Банкінің *инвестициялық қызметі* елдің барлық өнірлерінде және өндешуші өнеркәсіптің маңызды салаларында танытылған. Банктің қаржыландыру көмегімен енгізілген жаңа және жаңғыртылған өндірістер Қазақстанның өнеркәсіптік және экспорттық қатаюна және өніраралық интеграцияға іс жүзінде елеулі үлесін қосуда.

Қазақстан Даму Банкі экономиканы жаңғыртудың ең басты қатысушыларының бірі, сондай-ақ серпінді және кластерлік жобаларды іске асыруда, мемлекеттік инвестиациялық қызметтің тиімділігін арттыруда өз қызметін нығайта беретін болады.

Қолдау тапқан жобалардың ішінде негұрлым салмақтылары химия саласындағы жобалар, көлік және байланыс, металлургия, электр энергетикасы, құрылыш материалдарының өндірісі саласындағы жобалар.

Қазақстан Даму Банкінің жетекші халықаралық Moody's Investors Service, Standard & Poor's және Fitch рейтингтік агенттіктері берген ең жоғарғы несиелік рейтингі бар.

Банк Қазақстан экономикасын әртараптандыруға ықпал ету мақсатында келесідей басымдық және перспективалы бағыттар-

ды анықтады. Экономиканың өрлеуі және әртараптандыру базасы ретінде – инфрақұрылымды дамыту, оның ішінде:

- энергетиканы;
- көліктік инфрақұрылымды дамыту.

Жеке сектор үшін өндіріс – инфрақұрылымды дамыту, оның ішінде:

- металлургия;
- химия және мұнайлы химия өнеркәсібі;
- құрылымды материалдарының өндірісі;
- АӨК-де қосылған құны жоғары өнім шығару;
- туризм.

Қазақстан Даму Банкінің ұстанымы:

Қазақстанның отын және минералдық шикізатты сатудан тәуелділігі, өнеркәсіптің, металлургияның инфрақұрылымдық және өндірісінде салаларында инвестициялық белсенділік ел экономикасының шикізаттық ресурстары нарығындағы өзгерістерге әсерін тигіздеді. Сондықтан ҚР-ның Үкіметі экономиканы радикалды реформалауға қадам басып, Қазақстанның шикізат тәуелділігінен шығуна мақсат қойды. Елдің жеделдетіп жаңғыруту және елдің әлемдік нарыққа кіруі инновацияларға, экономиканың есуінің жаңа бағыттарын құруға және елдің дәстүрлі бәсекелесті басымдықтарын ұздік пайдалануға негізделген дамудың барлық бағыттары бойынша сапалы серпінді талап етеді.

Қазақстан Даму Банкінің миссиясы екінші деңгейдегі банктер қамтамасыз етпеген несие ресурстарында ел экономикасының бәсекеге қабілетті шикізатқа жатпайтын секторын жеделдетіп дамытудың инвестиациялық қажеттіліктерін қанағаттандыру жолымен ҚР-ның тұрақты ұзақ мерзімді экономикалық дамуына қол жеткізуіне жәрдемдесуге негізделген.

Қазақстан Даму Банкінің орны:

- өндіреуші өнеркәсіп, өндірістік және көлік инфрақұрылымы;
- ұзақ мерзіммен қамтылған ірі (5 млн АҚШ долларынан асатын) көлемді капиталы бар инвестиациялық жобалар;

- казақстандық тауар өндірушілер өнімінің экспортына жәрдем көрсету.

«Қазақстан Республикасындағы банктер және банк қызметі туралы» КР-ның заңына сәйкес заңмен анықталған Қазақстаның Даму Банкінің *ерекше құқықтық мәртебесі бар*.

Заңға сәйкес Қазақстан Даму Банкі қызметтің мақсаттары мемлекеттік инвестициялық қызметтің тиімділігін жетілдіру және арттыру, өндірістік инфрақұрылым мен өндеуші өнеркәсіпті дамыту, ел экономикасына сыртқы және ішкі инвестицияларды тартуға жәрдемдесу болып табылады.

Қазақстан Даму Банкінің *несиелік саясатының* негізгі қағидалары мен басымдықтары, инвестициялық басымдықтар, қарызы қаражатын тартуға сандық шектеулер, несие берудің лимиттері, бағыттары, мүмкін болатын шарттары, тәртібі мен мерзімі, жеке капиталды орналастыру, бірлесіп қаржыландыру, кепілдіктер беру, агент функцияларын орындау жалғыз акционердің шешімімен бекітілген Банктің несие саясаты туралы меморандумда белгіленген.

Қазақстан Даму Банкі бір жағынан даму институты бола отырып, Қазақстан Республикасының Үкіметі және «Самұрық-Қазына» мемлекеттік холдингінің атынан акционер анықтайтын мемлекеттік инвестиациялық саясаттың міндеттерін шешеді. Сонымен бірге, қаржы үйимы бола отырып, Қазақстан Даму Банкі басқа банктер үшін барлық қажетті талаптарды орындауды және коммерциялық қағидаларда әрекет етеді.

Қазақстан Даму Банкінің несиелік саясаты туралы меморандумға сәйкес қаржыландыру үшін инвестициялық жобаларды іріктеу кезінде Қазақстанда экономиканың шикізаттық емес салаларында, оның ішінде қазақстандық тауарлардың, жұмыстардың, қызметтер мен капиталдың экспортына ықпал ететін бәсекеге қабілетті өндірістерді және инфрақұрылымды дамытуға және құруға байланысты инвестиациялық жобаларға басымдық беріледі.

Қазақстан Даму Банкінің инвестиациялық қызметтің негізгі бағыттары келесілерді құруға және дамытуға бағдарланған жобалар болып табылады:

- 1) инфрақұрылым объектілерін (энергетикалық, көліктік, телекоммуникациялық, туристік);
- 2) инвестициялық жоба шеңберінде шикізатты өндіруді немесе сатып алуды, көлікпен тасымалдауды, оны қайта өндеуді және дайын өнімді сатуды, өнеркәсіптік өндірістерді;
- 3) инвестициялық жоба шеңберінде шикізатты шығаруды немесе сатып алуды, көлікпен тасымалдауды, оны қайта өндеуді және дайын өнімді сатуды, ауыл шаруашылығы өндірістерін;
- 4) туристік, экологиялық, медициналық, оқу, спорттық-сауықтыру және қонақ үй қызметтері саласындағы объектілерді (коммерциялық негізде) дамытуға бағытталған.

Қазақстан Даму Банкінің *шетелдегі инвестициялық қызметтің негізгі бағыттары* КР инфрақұрылымының, транзиттік әлеуетінің, қазақстандық тауарлардың, жұмыстардың, қызметтер мен капитал экспортының дамуына ықпал ететін жобалар болып табылады.

Қазақстан Даму Банкінің инвестиациялық басымдықтарына сәйкес келетін жобалар үшін банк келесідей қызметтерді ұсынады:

- орта мерзімді (5 жылдан 10 жылға дейін) және ұзак мерзімді (10 жылдан 20 жылға дейін) несие беру, оның ішінде:
 - жобаларды бірлесіп қаржыландыру және қайта қаржыландыру;
 - жобаларды жобалық қаржыландыру.

Қазақстан Даму Банкі инвестиациялық жоба бойынша беретін қарыздың ең аз сомасы 5 млн АҚШ долларына баламалы мөлшерде белгіленеді. Қазақстан Даму Банкіне келесілерді қаржыландыруға тыйым салынады:

- кару-жарақ шығаруға;
- алкоголь өнімін өндіруге;
- есірткілерді, есірткі құралдарын және психотропты заттарды өндіруге;

- темекі бұйымдарын өндіруге;
- тұргын үй құрылышына;
- мемлекеттік оку және медицина мекемелерін, қоғамдық-сауықтыру кешендерін салуга;
- геологиялық барлау жұмыстарына.

Қазақстан Даму Банкінің қаржыландыру көмегімен жаңғыртылған өндірістер пайдалануға берілді, оның ішінде келесілерді атап етуге болады:

- көлік саласында (Актау Теніз Халықаралық Сауда Портын солтүстік бағытта кеңейту және Тұпқараған шығанағында теңіз операцияларын қолдау базасын дамыту шеңберінде айлақ салу жөніндегі жобалар);
- Оңтүстік Қазақстан облысында тоқыма кластерін құруға байланысты тоқыма және тігін өнеркәсібі («Ютекс» АҚ, «Меланж» АҚ);
- құрылых индустриясында («Экотон+» АҚ, «Амитех Қарасай Пайп» ЖШС, «Хобас Пайпс Қазақстан» ЖШС);
- машина жасау саласында («Агромашхолдинг» АҚ, «Оңтүстік полиметалл» өнеркәсіп корпорациясы» АҚ);
- целлюлоза-қағаз өнеркәсібіндегі жобалар («Иле Картон-қағаз комбинаты» АҚ, «Қазақстан қағазы» АҚ), биоэтанолды өндіру жөніндегі «Биохим» өндірістік кешенін құру жобасы және т.б. көптеген жобалар.

Негізгі несие қызметін жүзеге асырумен қатар, Қазақстан Даму Банкі келесілерге қызмет көрсету бойынша агент функцияларын орындаиды:

- қайтарымды негізде қаржыландырылатын республикалық және жергілікті бюджеттік инвестициялық жобалар (бағдарламалар);
- мемлекет кепілдік берген қарыздардың есебінен қаржыандырылатын жобалар.

«Қазақстан Даму Банкі» АҚ шетел валютасымен теңгеге қарсы және валютаны басқа валютага қарсы айырбастау операцияларын жүргізеді.

«Қазақстан Даму Банкі» АҚ төлемдерді негізгі әлемдік валютаарда жүргізеді және шоттарға түсетін ақшалай қаражаттар туралы ақпаратты шынайы уақыт режимінде алады. Банк корреспонденттік қарым-қатынастар белгілеген және әлемдік клирингтік банктерде JPMORGANCHASE BANK (США), ING BANK AG (Голландия) және т.б. корреспонденттік шоттары бар. Сонымен қатар, SWIFT (Society for Worldwide Interbank Financial Telecommunication) қатысушысы болып табылады, бұл әлемнің кез келген еліндегі банктермен тез және қыпия, жабық түрде ақпарат алмасуға мүмкіндік береді.

Банктің инвестициялық мүмкіндіктерінің өсуін қамтамасыз ету және Қазақстанның оң имиджін қалыптастыру үшін халықаралық қаржы ұйымдарымен ынтымақтастықты дамытуға көп көңіл бөледі. Банктің іскерлік байланыстарын кеңейту тек ірі қаржы ұйымдарымен белсенді ынтымақтасуға ғана емес, сонымен қатар экономиканы әртаратпандыру жөніндегі міндеттерді тез арада шешу мақсатында елге шетелдік инвесторларды тартуға мүмкіндік береді.

Банк құрылған сәттен бастап Дүниежүзілік банк, HSBC, Merrill Lynch, Еуропалық Қайта Құру және даму банкі, Bank of Tokyo Mitsubishi UFJ және т.б. ұйымдармен бірқатар меморандумдар мен келісімдерге қол қойды.

4.3 || Қазақстан инвестициялық қорының қызметі

«Қазақстан инвестициялық қоры» АҚ – ҚР-ның мемлекеттік даму институттарының бірі болып табылады. Қордың қызметі 2003 жылдың 11 маусымында басталған.

Қазақстан инвестициялық қорының *инвестициялары* – Қордың мақсаттары мен міндеттеріне сәйкес жүзеге асырылатын Қазақстан Республикасы резиденттерінің, акционерлік

қоғамдардың және шетелдік занды тұлғалардың жарғылық капиталдарына Қордың салымдары болып табылады.

Қазақстан инвестициялық қорының *инвестициялық қызметі* – ұйымдардың жарғылық капиталдарына инвестиция салуды, инвестициялық жобалар бойынша ақпарат жинау мен өндөуді, маркетингтік, инжинирингтік және өзге де зерттеулерді, жоспарлы-болжамдық және жобалау-сметалық құжаттарды қамтамасыз етуге қатысады, сондай-ақ инвестицияларға бақылау үйымдастыруды қамтитын, Қордың инвестицияларды жүзеге асыруға байланысты қызметі.

ҚР-ның Үкіметі белгілейтін және Қазақстанның инвестиациялық қорының акцияларының мемлекеттік пакетін иелену және пайдалану құқығын жүзеге асыратын мемлекеттік орган *уәкілетті орган* болып табылады, ол:

- қордың акциялар пакетін басқару функциясын жүзеге асырады;
- қордың инвестициялық қызметі бойынша есептілігінің құрамын, формаларын және оны беру мерзімін бекітеді;
- қордың қаржы құжаттары мен бухгалтерлік есептілігінің дұрыс жүргізілуін және мазмұнын, сондай-ақ Қор қызметінің ҚР зандарының талаптарына, Қордың жарғысы мен инвестиациялық декларациясына сәйкестігін бақылауды жүзеге асырады.

Қазақстан инвестиациялық қоры туралы ҚР-ның зандарына, ҚР-ның Конституциясына негізделеді және ҚР-ның Азаматтық кодексінен, «Қазақстан инвестиациялық қоры туралы» заны және өзге де нормативтік-құқықтық актілерден тұрады. «Инвестициялық қорлар туралы» ҚР-ның заны бұл қорға қолданылмайды. «Акционерлік қоғамдар туралы», «Инвестициялар туралы» және «Бағалы қағаздар нарығы туралы» ҚР зандарының ережелері Қорға «Қазақстан инвестиациялық қоры туралы» заңмен реттелмеген бөлігінде қолданылады. ҚР-ның бағалы қағаздар нарығы туралы зандарының бағалы қағаздар нарығында брокер-дилер қызметін жүзеге асыратын занды тұлғалар үшін белгіленген пруденциалдық нормативтерді және қаржылық тұрақтылықтың өзге де көрсеткіштерін сақтау бөлігіндегі талаптары

Қорға қолданылмайды. Егер ҚР бекіткен халықаралық шартта осы заңдағыдан өзгеше ережелер белгіленсе, онда халықаралық шарттың ережелері қолданылады.

Қорды құру және оның қызметі «Қазақстанның инвестициялық коры туралы» заңында көзделген ерекшеліктерді ескере отырып, ҚР-ның акционерлік қоғамдар туралы заңдарында көзделген тәртіппен жүзеге асырылады.

Қорды қайта ұйымдастыру және тарату ҚР-ның заңдарында белгіленген негіздер бойынша және тәртіппен жүзеге асырылады. Қордың өз инвестициялық портфелін басқару жөніндегі қызметі лицензияланбайды.

ҚР-ның мемлекеттік органдары мен лауазымды адамдашының заңсыз Қор қызметіне араласуына тыйым салынады.

Қазақстан инвестициялық қорының құқықтық мәртебесі – жарғылық капиталына мемлекеттің 100%-тік қатысуы бар акционерлік қоғам формасындағы үйім болып табылады. Жарғылық капиталының мөлшері – 37,8 млрд теңге немесе 300 млн-нан астам АҚШ доллары, кейіннен оны кезеңдеп арттыру жоспарланған. Оның қызметіндегі мәселелер Қазақстан Республикасының «Қазақстан инвестициялық коры туралы» 2004 жылдың 6 шілдесіндегі заңымен реттеледі. Онда оның мақсаттарын, міндеттерін, инвестициялық саясаттағы бағыттарын, оның мемлекеттік органдармен және өзге де үйімдармен өзара қызметіндегі ерекшеліктерін белгілейді.

Қазақстан инвестициялық қоры қызметінің мақсаты – перспективалы үйімдардың жобаларына инвестицияларды жүзеге асыру және тарту, экономиканың шикізаттық емес секторында және бәсекеге қабілетті өндіріс орындарын құру бойынша жеке сектордың бастамаларына жаңадан құрылған немесе бұрыннан жұмыс істеп тұрған кәсіпорындардың жарғылық капиталдарына қатысу жолымен қаржылық көмек көрсету арқылы ҚР-ның индустріалды-инновациялық саясатын іске асyруға жәрдемдесу болып табылады.

Қазақстан инвестициялық қорына жүктелген негізгі міндеттер:

- шикізат пен материалдарды тереңдеп өндеуді жүргізетін, жаңа технологияларды пайдалана отырып, бәсекеге қабілетті өнім шығаратын, сондай-ақ өз қызметін өнеркәсіпте жүзеге асыратын перспективалы ұйымдарға өндірістік қызметтер көрсететін жаңадан құрылыш жатқан және жұмыс істеп тұрған ұйымдардың жарғылық капиталдарына инвестицияларды жүзеге асыру;
- қордың инвестициялық жобаларды бірлесіп қаржыладыруы, ұйымдардың жарғылық капиталдарына инвестицияларды жүзеге асыру және осы жобаларды басқаруға қатысуы арқылы экономиканың шикізаттық емес секторына жеке инвестиацияларды ынталандыру;
- отандық және шетелдік ұйымдар арасындағы өндірістік коопeraçãoны қамтамасыз ететін, толықтырушы, аралас өндірістерді дамыттын Қазақстан Республикасынан тыс жердегі инвестиациялық жобаларды бірлесіп қаржыландыру арқылы шет елдердегі қазақстандық ұйымдардың инвестиациялық белсенділігін арттыруға жәрдемдесу болып табылады.

Қазақстан инвестициялық қорының өкілеттіктері:

- қордың инвестициялық декларациясына сәйкес инвестициялық саясатты жүзеге асыру;
- шикізат пен материалдарды тереңдетіп өндеуді жүргізетін, жаңа технологияларды пайдалана отырып, бәсекеге қабілетті өнім шығаратын жұмыс істеп тұрған перспективалық ұйымдарды инвестициялауды жүзеге асыру немесе осы ұйымдарға үшінші тұлғалардың инвестиациялырын тарту үшін іріктеуді жүзеге асыру;
- ҚР-ның индустріалды-инновациялық саясатының тиісті басымдықтарына сәйкес келетін, отандық және шетелдік инвесторлар қатысатын инвестициялық жобаларды іске асыруды ұйымдастырушы және оларға қатысушы болу;
- филиалдар мен өкілдіктер құру;
- инвестициялық жобалар бойынша құжаттар дайындауға шарт негізінде қатысу;
- қайта инвестиациялау туралы шешімдер қабылдау;

- уақытша бос ақшаны орналастыру;
- басқа отандық инвесторлармен бірлесіп, қордың шетелде жүзеге асыратын инвестициялық жобаларының орындалуын бақылаудың бірлескен формаларына қатысушы болу;
- өз міндеттерін іске асыру үшін сарапшылар мен кеңес берушілерді шарт негізінде тарту;
- өзінің инвестициялық портфелін дербес басқару;
- бағалы қағаздар нарығының кәсіби қатысушысы ретінде тиісті лицензияның негізінде дилерлік қызметті ғана жүзеге асыру.

Қазақстан инвестициялық қорының *инвестициялық саясатының бағыттары*:

Көр қызметінің негізгі бағыттары өтімді және тиімді инвестициялық жобаларды жүзеге асыратын перспективалы ұйымдарды инвестициялау және оларға инвестициялар тарту болып табылады.

Қордың инвестициялауы қордың инвестициялық декларациясына сәйкес жүргізіледі. Ол келесідей шарттар сақталған кезде жүзеге асырылады:

- инвестициялық жоба КР-ның индустріалды-инновациялық саясатының негізгі бағыттарына сәйкес келсе;
- инвестициялық жоба экономикалық және қаржылық өлшемдер бойынша тартымды болса;
- инвестициялық жоба ұйымдардың технологиялық әлеуетін жетілдіруге, өнімдер мен көрсетілетін қызметтер сапасын арттыруға және оларды өндіру көлемін өсіруге, шикізат пен материалдар өндеуді тереңдетуге, жоғары технологиялық өнімдер шығаруға бағытталса, инвестицияларды жүзеге асырады.

Қазақстан инвестициялық қоры ұйымдардың акцияларын сатудан және жарғылық капиталындағы қатысу үlestерінен алынатын капиталды басқа ұйымдарға кейіннен қайта инвестициялай отырып, аталаған ұйымдардың жарғылық капиталдарына инвестиция салуды жүзеге асырады.

Кор акцияларға айырбасталатын немесе акцияларды сатып алуға құқық беретін бағалы қағаздарды сатып алуға құқылы.

Қордың уақытша бос ақшасын орналастыру ішкі және сыртқы нарықтардағы мемлекеттік және мемлекеттік емес бағалы қағаздар мен өтімді активтерге қордың инвестициялық декларациясында белгіленген тәртіппен жүзеге асырылады.

«Инвестициялық декларация» Қазақстан инвестициялық қорының инвестициялық қызметіндегі негізгі күжат болып табылады.

Инвестициялық декларация инвестициялау мақсаттарын, стратегиясын, бағыттарын, тәуекелдерді басқару саясатын, бағалы қағаздардың әр түрі бойынша бағалы қағаздар портфелін әртараптандыру нормаларын және қордың инвестициялық жобаларға қатысуын тоқтату шарттарын белгілейді. Қордың Инвестициялық декларациясын Қазақстан Республикасының үкіметі бекітеді.

Қазақстан инвестициялық қорының жарғылық капиталын республикалық бюджеттің каражаты есебінен акцияларға олардың нактылы құны бойынша төлеу арқылы ҚР-ның Үкіметі қалыптастырады. Жарғылық капиталын ұлғайтуға Қордың жалғыз акционерінің шешімі бойынша жол беріледі және акцияларды ҚР-ның заңдарына сәйкес шыгару мен орналастыру арқылы жүзеге асырылады. Сондай-ақ оның орналастырылатын акцияларын төлеуге ақшаға салынуы мүмкін. Қордың таза кірісі оның жылдық есебін бекіту қорытындысы бойынша резервтік капиталды қалыптастыруға ғана жұмсалады. Резервтік капиталды бөлу тәртібін жалғыз акционер белгілейді.

Кор өз міндеттемелерін орындағаны үшін ҚР-ның заң актілерінде көзделген негіздер бойынша және тәртіппен жауап береді.

«Қазақстан инвестициялық қоры туралы» ҚР-ның заңдарын бұзу қордың, мемлекеттік органдардың, заңды тұлғалардың арасында туындағының даулар ҚР-ның заңдарына сәйкес шешіледі.

Қазақстан инвестициялық қорының *тұжырымдамалық ережелері*:

Қор акциялардың 49%-ке дейінгі бөлігін сатып алудымен, жобалардың тікелей инвесторы болады.

Инвестициялық жобалардың табысты іске асырылуы мақсатында жобаның орындалуына тиісті ұйымдастыру деңгейін қамтамасыз ететін, жобаның техникалық-технологиялық жақтарын жүзеге асыру үшін маркетингтік және технологиялық жеткілікті тәжірибесі бар, сондай-ақ акциялардың 50%-тен астамын бақылайтын стратегиялық инвесторлары (бір инвестор немесе инвесторлар тобы) бар, кәсіпорындардың жарғылық капиталына қатысқаны неғұрлым тиімді болады.

Қор және басқа акционерлердің тараپтарынан кәсіпорынның жарғылық капиталына салынатын инвестиция жобаны іске асырудың түрлі сатыларында қаржыландырудың басқа көздөрімен де ұштастырылуы мүмкін, соның ішінде листингтен өтпеген облигациялар, банктік зайдар, бірлестірілген зайдер, лизингтер және мерзімі ұзартылған төлеммен сатып алу, экспорттық несие агенттіктерінің қатысуымен алынатын несиeler.

Қазақстан инвестициялық қоры инвестор ретінде кәсіпорынның жарғылық капиталына қатыса отырып, жобаны іске асыру барысындағы, тәуекелдер мен тиімділіктерге ортақтасады. Қор тәуекелдерді барынша азайтуға ықпал ете отырып, осы өнірдегі мемлекеттік мекемелермен және басқа да инвестицияга қатысушыларымен өзара қызметті үйлестіреді.

Жоба іске асырылу сатысынан өтіп, сатылым мен өндіріс тұрақты деңгейге жеткен кезде Қазақстан инвестициялық қоры өзінің үлесін стратегиялық серіктестеріне, басқа акционерлерге және портфельдік инвесторларға сату жолымен жобадан шыгады.

Қазақстанда және әлемнің басқа елдеріндегі салаларды дамыту беталысын талдау негізінде, бәсекеге қабілетті салалар мен кластерлерді құру мақсатындағы инвестициялаудың басымды бағыттары анықталды, атап айтқанда:

- ауыл шаруашылық өнімдерін қайта өндеу (консервілік, жұнді және мақтаны қайта өндеу өнеркәсібі мен басқа салалармен бірге агроөнеркәсіптік кешен);

- құрылым материалдарының өндірісі (алғашқысынан бастап құрылым материалдарының әрлеу мен қаптауына дейінгі өндірісіне дейін);
- әйнек өнеркәсібі;
- химия және мұнай химия өнеркәсібі;
- металургия;
- машина жасау;
- орман және ағаш өндеу өнеркәсібі;
- балық өнеркәсібі;
- энергетика және көлік инфрақұрылымы.

Қазақстан инвестициялық қорының қызметі құрылымды құрайтын мәні бар және экономикалық кластерлерді жаңадан құру мен құрастырылғандарын толықтыруға жағдай жасайтын ірі, келешегі бар маңызды жобаларды кезеңмен қаржыландыруға аудыстырылды.

4.4 || «Даму» кәсіпкерлікті дамыту қоры

«Шағын кәсіпкерлікті дамыту қоры» АҚ – бұл шағын кәсіпкерлікті қолдауға бағытталатын мемлекеттік қаржыны тиімді қолдану, көтеру және ҚР шағын кәсіпкерлік субъектілерінің экономикалық өсүін және құрылудың ынталандыру мақсатында құрылған даму институты.

Қазақстан Республикасының «Шағын кәсіпкерлікті дамыту қоры» АҚ» 1997 жылы «Шағын кәсіпкерлікті дамыту қорын құру туралы» Қазақстан Республикасы Үкіметінің 1997 жылғы 26 сәуірдегі № 665 қаулысы негізінде құрылды.

Шағын кәсіпкерлікті дамыту қоры қызметінің мақсаты – Қазақстан Республикасында шағын кәсіпкерлік субъектілерінің қалыптасуы мен экономикалық өсүін, шағын кәсіпкерлікті қол-

дауга бағытталған мемлекеттің қаржы құралдарын пайдалану-
дың тиімділігін арттыру.

Міндеттері:

- шағын кәсіпкерлікке қаржылық көмек көрсету, мемлекеттік бағдарламаларды құруға және іске асыруға қатысу;
- шағын кәсіпкерлік субъектілерінің мақсатын несиелеу;
- екінші деңгейдегі банктерден несие алу үшін субъектілер пайдасына кепілдеме беру.

«Шағын кәсіпкерлікті дамыту туралы» ҚР Заңына сәйкес
Қордың негізгі тапсырмалары:

- жобалық қаржыландыру;
- шағын кәсіпкерлік субъектілерінің қатысуымен микро-
несие ұйымдары тораптарын дамыту;
- екінші деңгейдегі банктерден несие алудағы шағын
кәсіпкерлік субъектілерінің кепілденген жүйесін құру;
- қаржылық лизингті дамыту;
- шағын кәсіпкерлік субъектілерін оқыту және консалтинг;
- шағын кәсіпкерлік субъектілері үшін сапа менеджменті
жүйесін енгізу бойынша операцияларды үстеме қаржыландаудың жүйесін дамыту.

Оз қызметі шегінде «Шағын кәсіпкерлікті дамыту қоры» АҚ
келесідей бағдарламаларды қаржыландырады:

Қаржыландырудың негізгі қағидалары – Қазақстанның шағын қалаларында шағын бизнес субъектілерінің тиімді инвестициялық жобаларын экономикалық қаржыландыру, аймақтың (жобаның жұмыс істеу орны) экономикалық дамуына, жұмыс істеуіне бағытталған. Қарыз алушы нақты қарыздың 60%-іне дейінгі сомасын жоба бойынша айналым қаражатын толықтыруға пайдалануы мүмкін. Қаржыландыру формасы лизингтік негіздегі несиелеу болып табылады.

Шағын кәсіпкерлік субъектілерін несиелеу бағдарламасы, оның ішінде әйелдер кәсіпкерлігі республикалық бюджет қаражаты арқылы жүзеге асырылады. Қазір қаржыландыру аталған бағдарлама бойынша қайтарымды қаражаттан қаржыландыры-

лып отыр. Әйелдер кәсіпкерлігін анықтаудың негізгі критерийі еңбек ұжымында әйел затының жалпы құрамынң 50%-тен аз болмауы және әйел-жетекшінің болуы болып табылады.

2. Ауылшаруашылық секторы үшін Азия Даму Банкінің қарызы беру бағдарламасы

Көр қарызды екінші траншада Азия Даму Банкі ауылшаруашылық секторының 55,6 млн АҚШ доллары көлемі бойынша қызмет етуге қатысады. Қарыздың қаражаты ауылшаруашылық өнімдерін өндіруге және қайта өңдеуге жабдықтарды сатып алуға несиелу үшін арналған, ауылшаруашылық техникалары үшін машина-технологиялық станциялар, көтерме азық-түлік нарықтары және басқа нарықтық инфрақұрылымдар құруға, ауылшаруашылық өнімдерін шығаруда, сонымен бірге айналымдағы қаражатты қажетті қаржыландыруға арналған. Қарыз сомасының 60%-и әрбір жеке жоба бойынша соңғы қарыз алушының айналым қаражатын толтыруға бағытталуы мүмкін.

Азия Даму Банкі желісінде қаржыландыруды алу үшін қарыз алушылар келесі талаптарға сәйкес болуы қажет:

- қарыз алушы максималды жұмысшы санымен (50 адам) шағын бизнес субъектісі болуы;
- кәсіпорын активтері 60000 АЕК кем емес болуы;
- етімді қарызды қамтамасыз етуі қажет.

3. Шағын кәсіпкерлік субъектілері Қордың жеке қаражаты есебінен қолдау бағдарламасы

Қордың жеке қаржысы есебінен соңғы шағын кәсіпкерлік субъектілерінің қарыз алушысына несие беру экономикалық тиімді қаржыландыру және жоғары рентабельді жобалар үшін ұсынылады.

Көр қаржыландырудың келесідей түрлерін ұсынады:

- екінші деңгейдегі банктерден несие алуша шағын кәсіпкерлік субъектілерін кепілдендіру;
- жобалық қаржыландыру және қаржы лизингі, соның ішінде ШКС-і іске асыратын франчайзингтік жобаларды қаржыландыру.

Шағын кәсіпкерлік субъектілерінің несиелерін Қордың несиелік кепілдемелерін сақтандыру арқылы кепілдендіру

шагын бизнес сферасына көптеген ресурстар көлемін назар аударту мақсатымен Қор екінші деңгейдегі банктер беретін шагын және орта кәсіпкерліктің кепілдендірілген несиелерін жүзеге асырады. Мұндай жоба кезінде бүкіл қатысуышылар, жобаға қызығушылық танытатын – банктер, ШОК, және Қор арасында тәуекелдерді қайта құру шарттары құрылады. Қатысуыш жақтардың үлесі әр нақты жобаның спецификасына байланысты міндеттеледі. Негізгі шарттар төменде көлтірілген:

Қаржылық лизинг Қор (лизинг беруші) шагын кәсіпкерлік субъектілеріне (лизинг алушыдан) көрсетілген лизингтік мүлікті сатушыдан меншігіне алады және оны шагын кәсіпкерлік субъектілері лизингке 3 жылдан кем емес мерзімге береді. Шагын кәсіпкерлік субъектілері Қорға лизинг мерзімі кезінде лизингтік төлемді төлең отырады және лизинг мерзімі біткен кезде лизингтік мүліктің меншік құқығы шагын кәсіпкерлік субъектілеріне ауысады. Лизингтік мүлік құрал-жабдықтар, техника, өндірістік мекемелер және т.б. негізгі құралдар бола алады.

Экономиканы отандық қаржы институттары тарарапынан қаржыландырудың қысқаруы жағдайында шагын және орта бизнеске көмек көрсету жалғасатын болады. Мемлекеттік қолдау олардың салалық тиімділігіне қарамастан, шагын және орта бизнестің барлық субъектілеріне көрсетіледі.

Bіріншіден, бөлінетін қаражат шенберінде 70% ағымдағы жобаларды қайта қаржыландыруға және 30% жаңа жобаларды іске асыруға бағытталады. Екінші деңгейдегі банктер шагын және орта бизнеске несие беру бойынша барлық бағдарламалардың операторлары болады. «Самұрық-Қазына» қоры бөлөтін қаражат шенберінде бір жобаны қаржыландыруға арналған лимит 3-тен 5 млн АҚШ долларына дейін өседі.

Үкімет «Самұрық-Қазына» қорымен бірлесіп шагын және орта бизнес үшін сыйақы мөлшерлемесін тұрақтандыру бойынша (14%-тен аспайтын) шара қабылдайды, сондай-ақ тиімді мөлшерлемені тіркей отырып, шагын және орта бизнесті қолдау бойынша қабылданған барлық бағдарламалар қайта қаралатын болды.

Қазіргі таңда Қор «Даму» кәсіпкерлікі дамыту қоры деп атаудын өзгерткен, сонымен қатар шағын және орта бизнеске берілетін несиелерге жаңадан кепілдік беру тетігін енгізді.

Екіншіден, «Самұрық-Қазына» қоры ауылдық жерде шағын несие берудің, оның ішінде ауылдық кәсіпкерлерге несие берудің бағдарламасын өзірледі.

Үшіншіден, шағын және орта бизнес субъектілерін тұрақты тапсырыстармен қамтамасыз ету мақсатында оларға «Мемлекет-

тік сатып алу туралы» заңның қолданылуы шеңберінде мемлекеттік органдардың, мемлекеттік холдингтер мен ұлттық компаниялардың мемлекеттік тапсырыстарына қол жеткізу ұсынылды.

Жер қойнауын пайдаланушылармен және сервистік компаниялармен қазақстандық қатысады ұлғайту бойынша жұмыс күштейтілді.

Төртіншіден, Үкімет кәсіпкерлікті дамыту үшін әкімшілік кедерілдерді төмендету және рұқсат беру жүйесін одан әрі жетілдіру бойынша жұмыстарды жалғастыруда.

Кәсіпкерлікті қолдау бойынша «Даму» қорының негізгі құралдары – екінші деңгейдегі банктер арқылы жеке кәсіпкерлік субъектілерін қаржыландыру, проценттәк мөлшерлемелерді субсидиялау, банктер алдында кепілдіктер беру, лизингтік мәмілелерді және микронесиелік ұйымдарды женілдікпен қаржыландыру, сондай-ақ қаржылық емес қолдау беру (білім беру, консалтинг, ақпараттық-сараптамалық қолдау).

«Даму» қоры елдің кәсіпкерлігін дамытудың негізгі мемлекеттік институты болып табылады және Қазақстанның барлық 14 облысында және Астана және Алматы қалаларында өнірлік филиалдары бар.



БАҚЫЛАУ СҮРАҚТАРЫ

1. Қазақстанның қаржылық институттарына сипаттама беріңіз
2. Даму институттарының құрылу мақсаты
3. «Инженеринг және технологиялар трансферті орталығы» АҚ-ның міндеттері қандай?
4. «Маркетингтік-талдамалық зерттеулер орталығы» АҚ-ның қызметі қандай?
5. «Қазақстан Даму Банкі» АҚ-ның қызметтерінің инвестициялық бағыты қандай?
6. «Қазақстан инвестициялық қоры» АҚ-ның қызметі мен қағидалары қандай?
7. «Ұлттық инновациялық қор» АҚ-ның міндеттері қандай?
8. «Шагын кәсіпкерлікті дамыту қоры» АҚ-ның қызметтерін анықтаңыз
9. «Экспорттық несиелер мен инвестицияларды сақтандыру бойынша мемлекеттік сақтандыру корпорациясы» АҚ-ның құрылудағы мақсаты неде?

ГЛОССАРИЙ

«Капитал салымдары – бұл негізгі капиталға салынатын инвестициялар, соның ішінде жаңа құрылышқа, жұмыс істеп тұрған кәсіпорындардың кеңеюіне, қайта құрылудың және техникалық қайта жабдықталудына, машиналарды, құрал-жабдықтарды, құралдарды, инвентарьды сатып алуға кететін және жобалық-іздеу шығындары

«Күтілетін табыстылық – «бета» коэффициенті» тенденция (expected return-beta relationship) – бағалы қағаздардың тәуекелі үшін сыйакы «бета» коэффициентіне пропорционалды деген САРМ үлгісінен қорытынды

Ағымдағы отімділік коэффициенті (Current ratio) – ағымдағы активтерді ақшалай қаражаттарға айырбастау есебінен кәсіпорынның барлық ағымдағы міндеттемелерін төлеу қабілеттілігін көрсететін коэффициенті

Ағымдағы табыстылық (current yield) – облигация бағасына бөлінген жылдық купондық төлемдердің көлемі

Аз танымал кәсіпорындар тиімділігі (neglected-firm effect) – жоғары табыс алу үшін аз танымал кәсіпорындардың акцияларына инвестициялау бейімдігі

Аймақтық инвестициялар – мемлекеттің нақты аймағының шегінде қаражаттарды салу

Аймақтық тиімділік – көрсеткіштері сәйкес аймақ тұргысынан жобаның аймақ кәсіпорындарына, аймақтағы әлеуметтік және экологиялық жағдайына, аймақтық бюджеттің табыстары мен шығындарына ықпал етуін есепке алғандағы жобаның қаржылық тиімділігі

Айналым коэффициенті (turnover) – қордың «сауда белсенділігінің» (сату көлемінің) сол портфельдегі активтер құнына қатынасы

Айырбасталатын своп (substitution swap) – бір облигацияның сондай, бірақ бағасы тартымдырақ облигацияға ауыстыру

Активтерді бөлу (asset allocation) – кең ауқымды активтер жіктемесінен таңдау жолымен портфель қалыптастыру

Активтерді қайта бөлу (asset allocation) – активтердің негізгі сыныптары арасында инвестициялық портфельді қалыптастыру үшін бағытталған ақша қаржаттарын қайта бөлу

Активтердің жиынтығы (asset universe) – портфель менеджерінің инвестициялайтын активтердің бекітілген тізімі

Активтердің қайтарымдылық коэффициенті (asset turnover) – жылдам сату көлемінің активтерге қатынасын көрсететін коэффициент

Активтердің табыстырылғысы, рентабельділігі (return on assets) – проценттер мен салықтарды төлегенге дейінгі пайданың активтер сомасына қатынасы

Активті инвестициялық стратегия, портфельді активті басқару (active management) – дұрыс бағаланбаған қаржы активтерін сатып алуға немесе нарық қозғалысының жалпы дамуын алдын ала болжауға ұмтылу

Активті портфель (active portfolio) – а нөлдік мәні бар талданған акциялардың бірігуі жолымен қалыптастырылған Трейнер-Блэк үлгісіндегі портфелі

Активті инвестициялар – өндірісті үлгайтуға бағытталған инвестициялар

Акцияны таңдау (stock selection) – таңдалған елдің ішкі акция нарығынан нақты акцияларды таңдау

Акцияның баланстық құны (book value) – балансында көрсетілген кәсіпорының меншікті капиталының таза құны

Акцияның есептік бағасы оның курстық құнының техникалық талдау негізінде алынады. Осы үшін трендтік модель құрылады, оған сәйкес тренд дамитын математикалық зан, орташа квадраттық қате, аппроксимацияның

қатысты қатесі анықталады және белгілі уақыт аралығынан кейін 95% ықтималдықпен акцияның нарықтық бағасы жататын бағалық коридор

Акцияның нақты, ішкі құны (intrinsic value) – талап етілетін табыстылық мөлшерлемесі бойынша дисконтталатын акциядан түсстін келтірілген құны

Акцияның нарықтық бағасының оның акциясының бухгалтерлік, баланстық құнына қатынасы коэффициенті (market-to-book-value ratio) – акцияның нарықтық құнының (бағамының) оның бухгалтерлік, баланстық құнына қатынасы

Акцияның номиналы – бұл акцияның эмиссиясы кезінде белгіленген және оның бет жағында көрсетілген құны. Барлық қоғамның жай акцияларының номиналды құны бірдей болуы және қоғамның барлық акцияларын ұстаушыларына құқықтардың тең көлемін қамтамасыз етілуі қажет. Акциялардың бағасы мәселесі олардың шығарылуын, біріншілік орналастырылуын және айналысын қамтитын өмірлік циклімен тығыз байласты. Сондықтан акциялардың оларды шығару кезеңіндегі бірінші бағасы – номиналды. Акцияның номиналды, яғни тұрақты баға-сын көрсетіп шығарған кәсіпорын оның нақты құндылығын кепілдендірмейді. Ондай құндылықты нарық анықтайды. Бірақ номиналды құн акция құндылығының бағдары ретінде болады және ұзақ уақыт бойы акцияның бағасын кейін анықтау үшін негіз болып табылады

Акцияның табыстылығы (earning yield) – акция пайдасының оның бағасына қатынасы коэффициенті, Е/Р

Ақша нарығы (money markets) – салыстырмалы түрде тәуекел дәрежесі төмен болып сипатталатын қысқа мерзімді, жоғары өтімді қарыздық құралдарды енгізетін нарық

Ақшалай ағындардың үйлесуі (cash flow matching) – компанияның міндеттемелерін орындау үшін қажетті тұрақты табыстары, нақты шығындары бар құралдар

портфелімен қамтамасыз етілетін ақшалай түсімдердің үйлесуі

Ақша-несие саясаты (monetary policy) – ақша ұсынысы мен процент мөлшерлемесін реттеу үшін Федералды резервтік жүйе басқарушыларының Кеңесімен қолданылатын шарапалар

Андеррайтерлер (underwriters) – бағалы қағаздардың орналасуына кепілдік беретін компаниялар. Олар бағалы қағаздарды эмитент-компаниядан сатып алады және оларды инвесторларға қайта сатады

Арбитраж (arbitrage) – бірдей бағалы қағаздармен жүргізілетін операциялар есебінен тәуекелсіз пайда алу

Артықшылықты акциялар (preferred stock) – дауыс беру құқығы жоқ корпорация акциялры. Олар бойынша тұрақты дивидендтер төленеді

Аукциондық нарық (auction market) – активтерді сатып алушату мақсатында барлық саудагерлердің жиналатын нарығы

Әлеуметтік тиімділік – біріншіден, коммерциялық қызметке инвестициялау кезіндегі әлеуметтік немесе пайданың өсіміне көмектесетін жобаның тиімділігі, екіншіден, пайданың генерациялануын қарастырмайтын, кәсіпорынның ішінде және одан тыс бағытталған әлеуметтік мақсаттарға бағытталған жобаның тиімділігі. Осы жағдайда кәсіпорынның қызметкерлері үшін түрлі артықшылықтарды құру, қосымша жұмыс орындары, қоршаған ортаны қорғау, әлеуметтік маңызы бар өндірістерді құру және т.б.

Бағалы қағадардың биржадан тыс нарығы (over-the-counter [OTC] market) – бағалы қағаздармен сауданы жүзеге асыратын брокерлер мен дилерлердің желісі

Бағалы қағаздарды талдау (security analysis) – бағалы қағаздардың құнын талдау

Бағалы қағаздарды таңдау (security selection) – активтердің әрбір сиыныбы шегінде бағалы қағаздардың нақты түрін таңдау

Бағалы қағаздардың бастапқы жариялы ұсынылуы (Initial Public Offering – IPO) – шектеулі иемденушісі бар акцияларды компаниямен алғашқы сатылуы

Бағалы қағаздардың бірінші ретті нарығы (primary market) – бағалы қағаздардың жаңа шығарылымдары сатылын және сатып алынатын нарық

Бағалы қағаздардың екінші ретті нарығы (secondary market) – бұрыннан бар бағалы қағаздар үшін нарық

Базис (basis) – фьючерстік баға мен ағымдағы спот бағасының арасындағы айырма

Базистік тәуекел (basis risk) – фьючерстік баға мен спот бағаның арасындағы спредтің белгісіз өзгеруімен байланысты тәуекел

Баланс (balance sheet) – белгілі бір күнге кәсіпорынның қаржылық жағдайы туралы ақпараттарды көрсететін бухгалтерлік есеп беру

Банктік акцепт (banker's acceptance) – клиенттің банкке белгілі соманы белгілі бір күні төлеу туралы талабы бар бүйріғы

Басқару – бұл қойылған мақсаттарға жетуге бағытталған ұдеріс. Егер басқару мақсаты сәтсіз таңдалса, ал орындаушылар қойылған мақсаттың жетістігінде күмәнданса, онда талантты менеджерлердің кез келген әрекеті негізсіз болуы мүмкін. Мақсатты таңдау үшін ең алдымен кәсіпорын алдында тұрган мәселелерді түсіну қажет

Бизнес-жоспар – инвестициялық жобаның жүзеге асуы барысындағы әрекеттер мен шаралардың жиынтығы. Бизнес-жоспар жобаның мақсаттарын, олардың жетістіктері мен болжанған нәтижелерінің жолын көрсетеді

Бизнес-жоспардың негізгі міндеті – жобаның жалпы жүйелік бағасын беру. Бизнес-жоспар инвесторға – капиталды салудың мақсатқа лайықтылығын анықтау үшін, кәсіпкерге – жобаны жүзеге асуру үдерісінде әрекет және басқару бағдарламасын жасау үшін, мемлекеттік органдарға – несиелік өзара қарым-қатынасты реттеу және бақылау үшін қажет

Бухгалтерлік (баланстық) пайда (accounting earnings) – пайда мен шығын туралы есеп беруде көрсетілетін кәсіпорын пайдасы

Бірінші ретті нарық (primary market) – ашық түрде сату үшін бағалы қағаздардың жаңа шығарылымдары ұсыныла-тын нарық

Бюджет тапшылығы (budget deficit) – мемлекеттік шығын-дардың жалпы табыстардан өсуі

Бюджеттен қаржы болу – инвестициялық мақсаттарда бюджеттік тізімге сәйкес бөлінетін әртүрлі деңгейлердегі бюджеттің қаражаттары. Бюджеттен қаржы болудің қажеттілігі жалпылттық мәнге ие салалар мен өндірістердің бар болуымен объективті түсіндіріледі. Бюджеттен қаржы болу қаржылық және экономикалық саясаттардың құралы, сонымен қатар ол шаруашылық коньюнктурага, экономикалық өсуге етіп, қоғамдық өндірістің дамуының маңызды факторы

Бюджеттік тиімділік көрсеткіштері – жобаны жүзеге асыру нәтижелерінің сәйкес бюджеттің (мемлекеттік және жергілікті) табыстары мен шығындарына әсерін көрсетеді

Валюталық бағам (exchange rate) – ұлттық бағамның шетел бағамына айырбастау жүргізілетін бағам

Валюталық бағамның өзгеру тәуекелі, валюталық тәуекел (exchange rate risk) – доллар мен шетел валюталары арасындағы айырбастау бағамының өзгеруімен байланысты активтерді қайтарудағы белгісіздік

Валютаны таңдау (currency selection) – инвестор инвестиацияу үшін валюта таңдал, қаражаттарды активтер арасында орналастыру

Вариациялық маржа (variation margin) – трейдордың маржасы одан төмендемейтін бекітілген көрсеткіш. Вариациялық маржа қосымша кепілдендірілген маржаны талап етеді

Варрант (warrant) – кәсіпорын акциясын сатып алу үшін сол кәсіпорынмен шығарылған опцион

Вексельдік несиелеу екі вариантта болуы мүмкін – төлемді ұзартумен вексельді сату және вексельдік заем. Бірінші жағдайда банк клиентке вексельді (өзінің эмиссиялаған немесе сатып алған) оның төлемін ұзартумен белгілі мерзімге сатады. Екінші жағдайда клиентке белгіленген мерзімде немесе сол мерзімде банкке беру арқылы клиенттің банкке қайтаратын вексель (қарыз беру келісім-шарты бойынша) беріледі

Венчурлық қаржыландыру – термині ағылшын *venture* («тәуекелді бастама») сөзінен туындаиды. Венчурлық қаржыландыру жоғары тәуекелділікпен ерекшеленетін, бірақ осындай бір жобага бейімделген кәсіпорынның құнының маңызды өсіміне үде беретін инновациялық жобалардың бастапқы кезеңдері үшін нақты қаражаттарды алушы білдіреді

Депозиттік сертификат (Certificate of Deposit – CD) – банктік мерзімді депозит

Дефолт тәуекелі үшін сыйақы (default premium) – инвесторға дефолт тәуекелінің орнын толықтыратын, уәделенген табысқа қосымша

Әртаратандыру – әр түрлі бағыттар бойынша инвестициялау

Доу теориясы (Dow theory) – қор нарығында бағалардың ұзак мерзімді және қысқа мерзімді үдерістерін анықтау шаралары қабылданатын әдіснама

Екінші ретті нарық (secondary markets) – бұрын шығарылған бағалы қағаздар сатып алынатын және сатылатын нарықтар (биржалық және биржалық емес)

Еуродоллар (Eurodollars) – долларда деноминацияланған шетел банктеріндегі немесе американдық банктердің шетел филиалдарындағы депозиттері

Жай акция (common stock, equity) – иемденушінің корпорация активтеріне меншік үлесінен құқығын қуәландыратын құжат

Жай акциялар (common stocks) – корпорациядағы меншік үлесі (кең ауқымды акционерлері бар акционерлік

қоғамдардағы). Акция ұстаушылары дауыс беру құқығы мен дивиденд алу құқығына ие

Жақсы әртаратанған портфель (well-diversified portfolio) – жүйеленбекен тәуекелдерді болдырмау үшін жеткілікті әртаратанған портфель

Жалпы ішкі өнім (Gross Domestic Product – GDP) – белгілі уақыт аралығында өндірілген өнімдер мен қызметтердің нарықтық бағасы

Жаһандану (globalization) – әлемдік инвестициялық ортаның қалыптасуы және ұлттық капитал нарықтарының шоғырлану үдерісі

Жеке лизинг – мүлік бойынша жекелей жұмыстарды лизинг беруші атқарады

Жоба – сөзі латынның *projectus* сөзінен шыққан және қазақ тіліне аударғанда «алға тасталған», яғни түпкі ой дегенді білдіреді. Қазіргі батыс әдебиеттерінде осы түсініктің жалпы мағынасы «Жобаларды басқару туралы білімдер кодексінде» (Project Management Institut, USD) айтылған: «Жоба міндеттің орындалу тәсілдерімен көзделген белгілі бастапқы мәліметтері және қажетті нәтижелері бар міндетті білдіреді». Отандық экономикалық әдебиеттерде «жоба деп оның шегінде құрылған мақсаттар жүйесі деп аталады». Берілген анықтама жобаны жасау және оны жүзеге асыру үшін қажетті ресурстарды және қызметтің барлық түрлерінің ерекшеліктерін есепке алады

Жобаларды басқару – ағылшын жоба-менеджерлер қауымдастырының есептеуінше уақыт бойынша, белгіленген бюджет шегінде, техникалық спецификацияға және талаптарға сәйкес жобаны аяқтау бойынша басқарушылық міндет

Жобаларды басқару – жұмыстың құрамы мен көлемі, құны, уақыты, сапасы бойынша нәтижелерге жету үшін басқарудың қазіргі әдістерін және техникасын пайдалану жолымен жобаның өмірлік циклі бойынша

материалды ресурстарды координациялау және басқару шеберлігі

Жобаның өтелу мерзімі – бұл эксплуатациядан түсken табыстар бастапқы инвестицияларға тең болған (капиталдық шығындар және эксплуатациялық шығындар) кезде объектінің жүзеге асыру сәтінен бастап оны пайдалану сәтіне дейінгі кезең болып табылады. Бұл көрсеткіш салынған капиталдың толық қайтарылымы қашан болады деген сұраққа жауап береді. Көрсеткіштің экономикалық мәні инвестордың салған капиталын қайтарып алу мерзімі анықталатынында

Жұмыссыздық деңгейі (Unemployment rate) – жұмыссыздар деп саналатын тұлғалар санының жалпы еңбек ресурстарының санына қатынасын сипаттайтын көрсеткіш

Жылдық проценттік мөлшерліме (Annual Percentage Rate - APR) – жай проценттер әдісін қолданумен жылдық есептелуге келтірілетін табыстырылғы мөлшерлемесі

Жылжымайтын мүліктеге – жер участкерлері, жекелеген су объектілері, жермен байланыстырылғы барлығы, яғни олардың орнын ауыстыратын объектілер, соның ішінде ормандар, көп жылғы орнатылымдар, гимараттар, құрылыштар жатады

Инвестиция – капитал құнын сақтайдын немесе өсіретін, сондай-ақ табыстың өсуіне әкелетін капитал жұмсау әдісі

Инвестиция (investment) – қазіргі кездегі бар ресурстарды болашақта оларды үлкен көлемде алу мақсатында шығындау

Инвестициялау объектісі – инвестицияларға бағытталған кәсіпкерлік қызметтің кез келген объектісі

Инвестициялауға тікелей емес қатысу – инвестициялауды басқа тұлғалардың (инвестициялық немесе басқа қаржылық дельдалдар) журғізу

Инвестициялауда тікелей қатысу – инвестордың инвестициялау және қаражаттарды салу объектілерін таңдаудағы тікелей қатысуы. Тікелей инвестициялауды инвестициялау объектісі туралы нақты ақпаратқа ие және

инвестициялау тетігімен жақсы таныс инвесторлар жүзеге асырады

Инвестициялық банктер (investment bankers) – бағалы қағаздардың жаңа шығарылымдарын, колхаттар түрінде (андеррайтинг), сатуға маманданған кәсіпорындар

Инвестициялық жоба – белгілі мақсаттарға жетуді (белгілі нәтижелерді алуды) қамтамасыз ететін шараптар жиынтығы

Инвестициялық жобаның бизнес-жоспары – бөлімдердің жалпы қабылданған тәртібі бойынша қысқа формада инвесторды болжанатын инвестициялардың тиімділігіне сендеруге және жобаны негіздеуге, сонымен қатар бағалауга мүмкіндік беретін жобаның басты сипаттамалары баяндалатын негізгі құжат

Инвестициялық климат – мемлекетте, аймақта инвестициялық қызмет жағдайларын анықтайдын зандық, үйымдастырушылық, экономикалық, әлеуметтік, саяси, мәдени бір-бірімен байланысты факторлар әсерімен қалыптастырылған жағдай

Инвестициялық компаниялар (investment companies) – жеке инвесторардың ақша қаражатарын тартатын және оларды бағалы қағаздарға немесе белгілі бір басқа активтерге инвестициялайтын қаржы делдалдары

Инвестициялық қызмет – инвестицияны жүзеге асыру барысындағы инвестициялық үдерістегі әр түрлі қызметтер жиынтығы

Инвестициялық қызметтің субъектілері – бір жағынан, бос инвестициялық ресурстарға ие қатысушылар (инвесторлар), басқа жағынан, инвестициялық ресурстарда қажеттілігі бар кәсіпорындар, үйымдар және т.б. деп қарастыруға болады. Инвестициялық қызметтің үшінші жағы инвестициялық институттар мен инвестициялық ресурстардың тұтынушылары арасындағы өзара қарым-қатынасты қамтамасыз ететін делдалдар болып табылады

Инвестициялық мүмкіндіктер жиынтығы (investment opportunity set) – инвестициялық портфель үшін «тәуекелтабыстылық» мүмкінді жиынтығы

Инвестициялық портфель – инвестициялық объектілерге салымдардың анықталған инвестициялық стратегияға сәйкес мақсатты құрылған салымдардың жиынтығы

Инвестициялық үдерістегі мемлекеттің рөлі – мемлекет орталықтандырылған (әртүрлі деңгейдегі бюджеттер есебінен) және орталықтандырылмаған (мемлекеттік кәсіпорындардың өзіндік және қарыз қаражаттарының есебінен жүзеге асырылатын) капитал салымдарының мемлекеттік саясатын жүзеге асыру

Инвестициялық саясат – инвестициялық қызметті жандандыру, экономиканы көтеру мақсатында шаруашылық субъекті-леріне жағымды жағдайларды жасау бойынша шаралар жиынтығы

Инвестицияның тиімділігі – «қақшаның уақытындағы бағамы» концепциясында бағаланады және инвестициялардың тиімділігін бағалау ақша қаражаттар ағымында, жобаны жүзеге асыруда бір-біріне қатарластыруда айқындалады

Инфляция (inflation) – тауарлар мен қызметтерге жалпы баға деңгейінің өсу қарқыны

Инфляция қарқыны (inflation rate) – өлшенген СІР өсу жылдамдығы сияқты бағалардың өсу жылдамдығы

Ипотекалық несиелеу – жылжымайтын мүлік объектілерін сатып алуға және салуға (қайта құруга) несиeler беру – көптеген нарық субъектілерінің өзара әрекеттің білдіретін маңызды экономикалық және әлеуметтік функцияларды орындастын несиелік қатынастардың формасы

Капитал жұмсалымы – бұл жаңа қорларды құру, істеп тұрған негізгі қорларды кеңейту, техникалық жағынан қайта қаруландыруға жұмсалған шығындар жиынтығы

Капитал нарығы (capital markets) – ақша нарығына қарағанда жоғары тәуекелмен сипатталатын ұзақ мерзімді бағалы қағаздарды кіріктіретін нарық

Клиринг (нарықтық өзгерістерді есепке алу) (marking to market) – фьючерстік позициялар бойынша міндеттемелердің күнделікті қайта есептелуі (барлық сауда қатысуышыларының әрбір жұмыс күнінің соңында сол күнгі есептесу бағалары бойынша шоттарындағы қаражаттар көлемінің корректировкасы)

Клирингтік (есеп айырысу) палатасы (clearinghouse) – сауда операцияларында көмек көрсету үшін биржалармен құрылған клирингтік палата екі трейдор арасында делдал ретінде сауда үрдісіне қатыса алады

Коммерциялық вексель (Commercial Paper – CP) – ірі корпорациялармен шығарылатын қысқа мерзімді, қамтамасыз етілген қарыздық міндеттеме

Коммерциялық тиімділік (немесе қаржылық негіздеме) – бұл талап етілген табыстылық нормасын қамтамасыз ететін қаржылық шығындар мен нәтижелердің қатынасымен анықталатын тиімділік. Ол жалпы жоба және әрбір қатысуши (оның салымын есепке алғанда) үшін есептеледі. Әрбір нақты кезеңде тиімділік ретінде нақты ақшалардың ағымы (түсімдер мен жылыстаулардың сальдосы немесе келтірілген шығындар мен түсімдердің сальдосы) болады

Корпоративті облигациялар (corporate bonds) – жеке корпорациялармен шығарылатын ұзақ мерзімді қарыздық міндеттемелер; бұл қарыздық міндеттемелер бойынша жарты жылдық купондар төленеді, ал отеу кезінде облигацияның номиналдық құны қайтарылады

Купондық мөлшерлеме (coupon rate) – номиналдық құнындағы әрбір долларға облигациялар бойынша проценттік төлемдердің көлемі

Күтілетін табыстылық (expected return) – инвестициядан түсетін сыйакы

Қазынашылық вексельдер (Treasury bills) – өзіндік құны төмен шегеріммен шығарылатын, қысқа мерзімді мемлекеттік бағалы қағаздар; қазынашылық вексельдерді өтеу мерзімі келгенде олардың толық өзіндік құны төленеді

Қазынашылық ноталар мен облигациялар (Treasury notes or bonds) – олар бойынша төлемдер әрбір жарты жылдықта жүргізілетін, номиналы мың доллар және одан жоғары болып келетін федералды үкіметтің қарыздық міндеттемесі; номиналды құнымен (немесе номиналдық құнына жақын) сатылады

Қалпына келтіру құны (replacement cost) – кәсіпорынның активтерін сатып алу үшін қазіргі кезеңдегі жұмсауы қажет шығындар

Қамтамасыз етілмеген облигация (debenture) – қандай да бір нақты кепілмен қамтамасыз етілмеген облигация

Қаржы активтері (financial assets) – материалдық активтерге немесе олардан алынатын табыстарға талаптар (құқық)

Қаржы делдалдары (financial intermediaries) – өздерінде несие берушілердің қаражаттарын орналастыру және оларды кейінен қарыз алышыларға беру жолымен қарыз алушылыр мен несие берушілердің қаржылық қажеттіліктірін біріктіретін үйымдар

Қаржы-бюджеттік саясат (fiscal policy) – мемлекеттік шығындар мен салық салуды экономикалық тұрақтандыру үшін қолдану

Қаржылық «тетік», қаржылық леверидж коэффициенті (leverage ratio) – кәсіпорынның жалпы капитал сомасының оның меншікті капиталына қатынасы

Қаржылық инвестициялар әртүрлі қаржылық құралдарға (активтерге), соның ішінде аса маңызды үлес алғатын бағалы қағаздарға қаражаттарды салу

Қаржылық инженерия (financial engineering) – инвесторлардың талаптарына сәйкес келетін алдын ала бағдарланған қасиеттері бар бағалы қағаздарды құру және жасау үдерісі

Кор биржалары (stock exchanges) – шығарылған бағалы қағаздарды сауда қатысушыларының сатып және сатып алатын екінші ретті нарықтар

Қорғалған «пут» опцион (protective put) – опционның орындалу бағасына тең минималды табысты қамтамасыз ететін активтің «пут» опционымен комбинациясы

Қысқа мерзімді инвестициялар – әдетте бір жылға дейінгі кезеңге салынатын капитал салымдары (мысалы, қысқа мерзімді депозиттік салымдар, қысқа мерзімді жинақ сертификаттарын сатып алу және т.б.)

Лизинг – бұл белгілі бір мүлікті сатып алып, кәсіпкерлік мақсаты үшін кәсіпорынға уақытша пайдалануға беруді қарастыратын кәсіпкерлік қызмет түрі, қаржыландыру әдісі

Макроденгейде инвестиациялар немесе капитал салымдары – үлттық экономиканың дамуы мен қоғамдық өндірістің тиімділігін көтеруге арналған негіз

Мониторинг – бірінші және аса маңызды басқару элементі болып табылады, оның мақсаты – берілген портфельдің типіне сәйкес келетін инвестициялық қасиеттерге ие бағалы қағаздарды тандау

Мульти жоба – жұмыс істеп тұрган кәсіпорынды қайта құру, жаңғырту немесе жаңадан құру мақсаттагы жоба

Нақты активтер (real assets) – өнімдер мен қызметтерді өндіру үшін қолданылатын активтер

Нақты инвестиациялар – нақты активтерге, яғни материалдық және материалдық емес активтерге немесе ғылыми-техникалық прогресспен байланысты материалды емес активтерге қаржаттарды салу инновациялық инвестициялар

Нақты проценттік мөлшерлеме (real interest rate) – инфляция қарқынан проценттік мөлшерлеменің өсуі. Инвестиция нәтижесі болып табылатын сатып алу қабілетінің өсу қарқыны

Нарықтық (курстық) баға – бұл екінші нарықта сатылатын және сатып алынатын акцияның құны. Отімді-тиімді

бағалы қағаздар нарығында акцияның нарықтық бағасы – бұл уақыттың әрбір сәтінде жасалған мәмілелер бойынша ағымды бағалардағы құны

Нарықтық портфель (market portfolio) – әрбір бағалы қағаздың үлесі оның жалпы нарық капитализациясындағы үлесіне пропорционалды болатын портфель

Номиналды проценттік мөлшерлеме (nominal interest rate) – номиналды ақшалай көріністегі проценттік мөлшерлеме

Номиналдық құн (par value) – облигация ұстаушысына оны өтегенде төленетін сома

Облигация – бұл оның ұстаушысының облигацияны шығарған тұлғадан оның номиналды немесе басқа мүліктік эквивалентінің белгіленген мерзімінде алуға құқықтарын растайтын бағалы қағаз. Облигация оның ұстаушысына облигацияның номиналды құнының процентахта тіркелген немесе басқа мүліктік құқықтарды алуға құқық береді

Овердрафт – бұл клиент шотындағы жетіспеген ақша-қаржаттарды уақытша жабу мақсатында, шекті сомасын белгілемей, қосымша несие келісім-шарттарына отыруды қарастырмайтын банктік несие түрі

Өтімділік (liquidity) – сол немесе басқа активтің ақшага айналуының жылдамдығы мен женілдігін білдіреді

Пайда алу үшін қолданылатын своп (pure yield pickup swap) – табысы жоғары және өтеу мерзімі ұзақ облигацияға өту

Пайда мен шығындар туралы есеп (income statement) – нақты уақыт аралығында қосіпорынның табыстары мен шығындары туралы мәліметтерді көрсететін құжат

Пассивті инвестициялық стратегия (passive strategy) – жүзеге асырғанда бағалы қағаздардың талдаудың қарастырмайтын инвестициялық саясат

Пассивті инвестициялық стратегия, портфельді пассивті басқару (passive management) – дұрыс бағаланбаған қаржы активтерін сатып алмау мақсатымен әртаратан-

ған (эртараптандырылған) бағалы қағаздар портфелін сатып алу және иемдену

Пассивті инвестициялар – өндірісті ұстап тұруға бағытталған инвестициялар

Портфельді сақтандыру (portfolio insurance) – инвестициялардың өсуіне мүмкіндік бере отырып, инвестициялаудан шығындарды азайтатын портфельді стратегия

Портфельдік инвестициялар – капиталдық жобалар тобына салу, мысалы әртүрлі кәсіпорындардың бағалы қағаздарын сатып алу

Реинвестиция – алғашқы инвестициялар

Рейтинг – бұл 1 жылға дейін берілген лизингтің түрі

Саланың өмірлік циклі (industry life cycle) – өзінің даму үрдісінде сала кәсіпорындары өтетін кезеңдері

Сатудың рентабельділігі (return on sales) – операциялық пайдалың сату көлеміне қатынасын көрсететін коэффициент

Саяси тәуекел (political risk) – салық салу саясатындағы өзгерістердің, валюталық операцияларға және елдің іскерлік климатына қатысты басқа да өзгерістердің болу мүмкіндігі

Секьюритизация (securitization) – кепіл ретінде пұл болып табылатын және кез келген бағалы қағаз сияқты сатыла алатын пұлға біріктірілген стандартталған бағалы қағаздардың қарызы негізінде құрылуы

Сенімділік коэффициенті (confidence index) – бірінші ондықтагы корпоративтік облигациялардың орташа проценттік табыстылығының несиелік рейтингтің ортасынан алынған он корпоративтік облигациялардың орташа табыстылығына қатынасы

Спред (spread) – бір активке әр түрлі орындау бағаларымен немесе мерзімімен бір немесе бірнеше «колл» немесе «пут» опциондарының комбинациясы

Сұраныс импульсі (demand shock) – экономикадағы өнімдер мен қызметтерге деген сұраныс көлеміне ықпал ететін жағдай

Сценарийлер талдауы (scenario analysis) – мүмкінді экономикалық сценарийлердің тізімін жасау және әрбір сценарийдің ықтималдылығын, сонымен қатар әрбір жеке жағдайда қол жеткізілетін НРР мәнін анықтау үдерісі

Табыстырылғыштық күны (yield curve) – өтеу кезіндегі табыстырылғыштық көлемінің облигацияны өтеу мерзіміне тәуелділік сызыбасы

Таза лизинг – сақтандыру, қызмет көрсету, жөндеу жұмыстарын лизинг алушы атқарады

Тәуекелге бейімсіздік (risk aversion) – инвестордың өзіне тәуекелді қабылдауға ниетінің болмауы

Тәуекелге бейімсіздік (risk aversion) – инвестордың тәуекелге бармауы

Тәуекелді басқару, тәуекел-менеджмент (risk management) – портфель тәуекелін шектеу үшін стратегия

Техникалық талдау (technical analysis) – акция бағаларының бір мерзімде қайталанатын және болжанатын өзгеру үлгілерін, сонымен қатар акцияларды сатып алу немесе сату нарығына ықпал ететін қысым жасау үлгілерін анықтау

Тиімді тәуекелді портфель (optimal risky portfolio) – кейіннен олардың тәуекелі жоқ активтермен толығымен портфельге біріgetін тәуекелді активтердің ең тиімді қосындысы

Тобин коэффициенті (Tobin's q) – кәсіпорынның нарықтық күнінің оның сату құнына қатынасы

Толық портфель (complete portfolio) – тәуекелді және тәуекелсіз активтерді өзіне кіріктіретін инвестициялық портфель

Түйнди бағалы қағаздар, деривативтер (derivative securities) – олар бойынша төлемдері басқа активтердің құнымен анықталатын бағалы қағаздар

Тікелей инвестициялар – нақты ұзақ мерзімді жобага қаржат салу және нақты активтерді сатып алушмен байланысты

Ұзак мерзімді инвестициялар – бір жылдан асатын кезенге салынатын капитал салымдары. Осы критерий есеп

тәжірибесінде қабылданған, бірақ, тәжірибе көрсеткендей, ол нақтылауды қажет етеді

Факторинг – инвестицияларды қаржыландырудың ерекше әдісі, банктің клиенттен өзінің төлеушілеріне берген төлем талаптарын сатып алатын мәміле

Форвардтық келісім-шарт (forward contract) – екі тарап арасындағы активтерді болашақта белгілі бір мерзімде келісілген баға бойынша жеткізу туралы келісімі

Форвардтық проценттік мөлшерлеме (forward rate) – ұзак мерзімді облигациялардың күтілетін жиынтық табыстылығының кезеңмен облигациялардың күтілетін жиынтық табыстылығымен теңестіретін болашақ мерзімге болжанған қысқа мерзімді проценттік мөлшерлеме

Франчайзинг – ірі компанияның кіші компанияяға өзінің сауда белгісін, технологиясын беру бойынша қызмет түрі

Фундаменталды талдау (Fundamental analysis) – болашақта пайда мен дивиденд алу, кәсіпорынның болашақ проценттік мөлшерлемесі мен тәуекел күту сияқты факторларға тәуелді акция құнын талдау

Фьючерстік баға (future price) – бүгінгі қуні бекітілген және фьючерстік келісім-шарт бойынша өтеу мерзімінде төлеу қарастырылатын баға

Фьючерстік келісім-шарт (future contract) – тараптардың нақты активті алдын ала келісілген баға бойынша белгіленген уақыт мерзімінде сатып алуға немесе сатуға міндеттегендегі келісім-шарты

Хайринг – 1-3 жылға дейін берілген лизингтің түрі

Халықаралық жоба – жоба барысында дүниежүзілік нарықта қажетті материалдарды пайдаланады

Шарп коэффициенті (Sharpe measure) – портфель тәуекелі үшін сыйақының өзгерімге қатынасының мәні; портфельдің артық табыстылығының портфель табыстылығының стандартты ауытқуына қатынасы

Шетелдік инвестициялар – бұл ҚР территориясындағы кәсіпкерлік қызметтің объектісіне шетел инвесторына тиісті азаматтық құқықтардың, соның ішінде ақша, бағалы

қағаздар, басқа мүлік, интеллектуалды қызметтің, сонымен бірге қызмет пен ақпарат нәтижелеріне ерекше құқықтардың ақшалай бағасына ие мүліктік құқықтар объектісі түрінде шетел капиталын салу

Шығынды (косымша) табыстылық (excess return) – бағалы қағаздың табыстылығының мөлшерлемесінің тәуекелсіз мөлшерлемеден артуы

Шығынсыздық нүктесін талдау (break-even point analysis) – халықаралық тәжірибеде кең қолданылады, ол жобаның тәуекелдерін бағалауды жүзеге асыруға мүмкіндік беретін қарапайым тәсілі және инвестициялық жобалардың тиімділігін бағалау кезінде қолданылатын қаржылық ақпарат элементінің бірі

Шығынсыздықты талдау – өндіріс көлемінің, өзіндік құнның және пайданың өндіріс үдерісінде осы көрсеткіштердің өзгеруі кезіндегі өзара байланысын зерттеу болып табылады. Шығынсыздықты талдаудың мақсаты – шығын, өндіріс көлемі және пайда арасындағы балансталған қатынасты айқындау; нәтижесінде – шығындардың орнын толтыру үшін қажетті өткізу көлемін табу

Ірі жоба – ортақ мақсатқа біріктірілген, көптеген жобалардан тұрады және жоғары құндылығымен сипатталады

Ішкі инвестиция – берілген елдің территориясында орналасқан объектілерге қаражаттарды салу

Экономикалық пайда (economic earnings) – кәсіпорынның өндірістік мүмкіндіктері өзгеріссіз қалған жағдайда да төлей алатын нақты ақша ағымы

Экономикалық цикл (business cycle) – экономикадағы қайталанатын құлдырау мен көркею кезеңдері

КОЛДАНЫЛГАН ЭДЕБИЕТТЕР ТІЗІМІ

1. «Акционерлік қоғамдар туралы» Қазақстан Республикасының 2003 жылғы 13 мамырдығы № 415-2 Заңы
2. «Жылжымайтын мүлік ипотекасы туралы» Қазақстан Республикасының 1995 жылғы 23 желтоқсандағы Заңы
3. «Инвестициялар туралы» Қазақстан Республикасының 2003 жылғы 8 қаңтардағы № 373-II Заңы
4. «Инвестициялық портфельді басқару жөніндегі қызметті жүзеге асyру қағидаларын бекіту туралы» Қазақстан Республикасы Ұлттық Банкі Басқармасының 2014 жылғы 3 ақпандағы № 10 қаулысы
5. «Қазақстан Республикасын индустримальық-инновациялық дамытушының 2015-2019 жылдарға арналған мемлекеттік бағдарламасын бекіту туралы» Қазақстан Республикасының Президенті Жарлығы. Қазақстан Республикасы Үкіметінің 2014 жылғы 9 маусымдағы № 627 қаулысы
6. «Қазақстан Республикасының Ұлттық банкі туралы» Қазақстан Республикасының 1995 жылғы 30 наурыздағы № 2155 Заңы
7. «Қазақстандықтардың әл-ауқатының өсуі: табыс пен тұрмыс сапасын арттыру» Мемлекет басшысы Н.Ә. Назарбаевтың Қазақстан халқына жолдауы. 2018 жылғы 5 қазан
8. «Қазақстанның үшінші жаңғыруы: жаһандық бәсекеге қабілеттілік» Мемлекет басшысы Н.Ә. Назарбаевтың Қазақстан халқына жолдауы. 2017 жылғы 31 қаңтар
9. «Қаржырыногы мен қаржылық ұйымдарды мемлекеттік реттеу және қадағалау туралы» Қазақстан Республикасының 2003 жылғы 4 шілдедегі № 474-II Заңы
10. «Салық және бюджетке төленетін басқа да міндетті төлемдер туралы» Қазақстан Республикасының Кодексін (Салық кодексі) қолданысқа енгізу туралы ҚР-ның Заңы 2017 жылғы 25 желтоқсандағы № 121-VI Заңы

11. «Шетелдік инвестициялар туралы» 24.12.1994 жылғы Қазақстан Республикасының Заны
12. «Шетелдік инвестиацияларды мемлекеттік қолдау туралы» 27.10.1997 жылғы Қазақстан Республикасының Заны
13. Асилова А.С. Инвестицияны қаржыландыру және несие-леу. Окулық. Экономика баспасы, – 2014.
14. Банк ісі. Ұ.М. Искаковтың ред. Окулық. Алматы. Экономика. – 2013.
15. Бочаров В.В. Инвестиционный менеджмент. Оку күралы. С-П: «Питер», – 2002.
16. Бузова И.А., Маховикова Г.А. Коммерческая оценка инвестиций. С.-П. «Питер», – 2003.
17. Гендер М.И. Инвестиционный климат стран СНГ // Business central, – 2013.
18. Игошин Н.В. Инвестиции. Организация, управление, финансирование. Учебник для вузов. Екатеринбург: Издательство Уральского университета, – 2016 ж. Окулық. М., Юнити, – 2012.
19. Инвестиции. Под редакцией Л. И. Юзовович, С.А. Дегтярева, Е. Г. Князевой// Учебник для вузов. Екатеринбург: Издательство Уральского университета, – 2016.
20. Қазақстан қаржы нарығы секторларының өзара іс-кимылы және олардың реттелуі. Адамбекова А.А. Окулық. Алматы. Экономика. – 2012.
21. Қазақстан Республикасы Президентінің Жарлығымен бекітілген Қазақстан Республикасының индустриалды-инновациялық дамуышының 2003-2015 жылдарға арналған стратегиясының ережесі
22. Қазақстан Республикасын индустриалды-инновациялық дамытудың 2015-2019 жылдарға арналған мемлекеттік бағдарламасы. Қазақстан Республикасы Президентінің 2014 жылғы 1 тамыздағы № 874 Жарлығы
23. Қазақстан Республикасының «КР-сының вексель айналысы туралы» 1997 жылғы 28 сәуірдегі Заны
24. Қазақстан Республикасының қаржы секторын дамытудың 2030 жылға дейінгі тұжырымдамасын бекіту туралы

Қазақстан Республикасы Үкіметінің 2014 жылғы 27 тамыздағы № 954 Қаулысы

25. Қазақстанның 2030 жылға дейінгі даму стратегиясы.
26. Марченко Г., Мачульская О. Рейтинг инвестиционной привлекательности Казахстана // Эксперт, – 2014.
27. Дейнеко А.В. Привлечение иностранных инвестиций в экономику Казахстана: состояние и развитие процесса // Капитал, инвестиции, технологии. – 2013. – № 1.
28. Нурланова Н.А., Бейсенбина А.К. Оценка потенциальных инвестиционных возможностей регионов // Капитал, инвестиции, технологии. – 2013. – № 11.
29. Черкасов В.Е. Международные инвестиции. М., «Дело», – 1999 ж.
30. Шарп Уильям Ф., Александр Гордон Дж., Бэйли Джейфри В. Инвестиции. М., «Инфра-М», – 2018 ж.
31. Ұлттық инвестициялық веб-сайт. – [ЭР]. Режим доступа: <http://invest.gov.kz>.
32. <http://www.akorda.kz>
33. <http://www.kase.kz>
34. <http://mf.minfin.kz/>
35. <http://www.nationalbank.kz>
36. <http://www.fin.ru>